

ውዚር ዑሰማን ሳልሕ ምስል አሚን ዓም መዝመት ምጅልስ ቅራን ሀድግ



ውዚር ካርጅየት አሰይድ ዑሰማን ሳልሕ ማሌ 25 ሰብተምባር ዲብ ኒዮርክ፣ ምስል አሚን ዓም መዝመት ምጅልስ ቅራን አንቶንዮ ጉተራሽ ትዋጅሁ።

ውዚር ዑሰማን ወአሚን ዓም አንቶንዮ ጉተራሽ ለወደወ ሀድግ፣ ዲብ ተጠውራት ሰላም ወአምን መንጠቀት ቀር አፍሪቀ ክምስልሁመ ዲብ ሸራክት ወመትሰዳዳይ ኤራትሮፕ ወምዝመት ምጅልስ ቅራን ለአንተክበት ዐለት።

ዲብ ዮም 23 ሰብተምባር ዲብ 78ይ ርቱብ ወዐለ ዓም ጀምሶይ ናይ መዝመት ምጅልስ ቅራን ለአንተክበት ለቀደመ ወዚር ዑሰማን ሳልሕ፣ ቀደመ-መ

ዲብ ' ውቅል መርሐለት ሰደሰት እግል ደማን ለበ ዐማር'፣ እግል ዓም አሰራሳብ ከደማት ዓፍየት እተ ከሰሰ እጅትመዕ ውቁላም ሰብ ሰልጠት፣ ዲብ ናይ መዳሊት እጅትመዕ ወዘረእ። “ወዐለ ምስተቅበል’ ክምስልሁመ ዲብ እጅትመዕ ወዘረእ ዲብ ድህር ደረጃት ተጠውር ለሀለዩ ድወል፣ እንዲ ሻረክ፣ እግል መውቀፍ ወረኣይ ኤራትሮፕ ዲብ ትናዋለ አጃንዳት ለወዳሕ ሸራሕ ቅዱም ዐለ።

እምበል እሊመ ምስል ሰብ ሰልጠት ለትፈናተዩ ድወል ወሕኩማት መፋሃማት ክም ወደ ልዘከር።

ምግብ፣ ሽባብ ሰሰዒት ዘበናይት ልትዐለሞ

ፈርዕ ማሕበር ወጠኒ ሽባብ ወደረሰ ኤራትሮፕ አቅሊም ምግብ፣ ናይ ዓዳት ወዘበናይ ሰሰዒት ተእሂል ለአድረሰዮም 291 ሻብ ዲብ ዮም 23 ሰብተምባር አድሐረ።

እተ ዓደት፣ መስኪል ፈርዕ አሰይድ ሳምሶም ክፍሌ፣ ለደርሰው አንፋር እብ ደረጃት አቅሊም ወመዳርያት ለሸቅዩ ፍረቅ ዓዳት ማሕበር ክምቶም እንዲ ሐበረ፣ ፈሀምም ወፈሃቶም እግል ልዕቤ ለትዝመ ክምቱ ሸርሐ።

እተ እዳረት አቅሊም ምግብ፣ ሙዲር ዓም ከደማት እጅትማዕዩት ኮሎኔል ገብረሃንሰ ወልደገርግሽ፣ ለደርሰው ራክባሙ ለሀለው በክት እብ ናይ ኖሶም ጅህድ እግል ልጠውሩ ወዲብ ሰናቶም እግል ለዐድው ትፋኑ።

ፈር፣ እግል ሐርሰ መዳሊት ገብእ

ሐረሰቶት እዳረት ደዋይሕ ሐዲሽ-ምዲርየት ፈር፣ እተዮም እግል ልዕቤ ወደማት ክብረ እግል ለአክድ፣ ምን አውለት ለደንን ውሓይዝ ዲብ መንፈራቶም እግል ለአውሰሎ ጀራይፍ ሸቁ ሀለው።

መስኪል እዳረት ደዋይሕ አሰይድ መሐመድ ሰዲድ እግል ኤሪነ እተ ሀበዩ ሐብራ፣ ለእብ ማሸነፊ ልሰርገል ለሀለ ሸቅል ምን መሓዛት ዐሊገዳ፣ ሐዳሰ ወኩማይሌ ለደንን ውሓይዝ ዲብ መንፈራት እግል ልውዐል ክልኣት ዐግም ሸቁ ክም ሀለው አፍሀመ።

ለዐግምት፣ 800 ምትር እብ 4 ምትር ወ400 ምትር እብ 4 ምትር ክምቱ እንዲ ሐበረ፣ ሳልሳይ እግል ልትሸቁ መዳሊት ጋብእ ክም ሀለ ሸርሐ።

ዲብ እዳረት ደዋይሕ ሐዲሽ ዝያድ 800 ሂክታር አርድ ሐርሰ ክም ሀለ ልትአመር።

መስኪል ውሕደት ዐማር አሰይድ ሳልሕ እብራሂም ካካይ እብ ጀሀቴ፣ ሰነን ዙሎ፣ አፍታ ወሐዲስ ለነሰአወ መግደረት እንዲ ሐመደ፣ ታርፍ ለሀለ ደገገት አሰረን እግል ልጸበሞ ትፋኑ።

እተ ምዲርየት ፈር፣ እብ ከረም አውለት ወአውል ለልትዐመር ሐድ 8,300 ሂክታር ክም ሀለ ወሳይቅ መክተብ ሐርሰ ለአፍሀም።

አፍባብት፣ ለለዑዳ ሕማማት ለከሰሰ መሓደራት ልትሀዩብ

ዲብ አፍባብት፣ እተ ሕማማት ዐደዮ፣ አግቡይ መዳራዕቱ ወዳወዮቱ ለረከዘ ተዕቢኣት እብ ሐካይም ወልጃን ዓፍየት ገብእ።

እተ እጅትመዕ፣ ሕማማት ቲቤ፣ ሞጋዕ ወሰፊር እብ ቀላል ለልትሐላሌ፣ ወቁትለት ምንማቶም፣ ዲብ ወክዱ እብ ዋጅብ ዳወው ምንገብእ ላኪን እግል ልትሳረው ክም ቀድሮ ትሸረሐ።

እብ ደረጃት አቅሊም ቅብለት በሐር ቀየሕ ዛህረት ሕማም ቲቤ እተ ምዲርየት አፍባብት ለትወቀለት ክምተ ለሐበረው ሰብ ምህነት፣ ምዋሞኒን አሻይር ናይለ ሕማም ረአው ምንገብእ እብ ሸፋግ አሰክ ዕድዳት እንዲ ጌሰው እግል ልትመርመር ወለልትሀዩቦም ደወ እብ ዋጅብ እግል ልንሰኣ ክምቦም መክረው።

ሓለት ሕማም መላርየት እብ ከሰሰ ህዩ፣ አሰክ እለ እተ አፍባብት ለትረኣ ምንመ ይህሉ፣ ዲብ ባካት ሽኩ፣ ግድሬን ውብዕድ አካናት ላኪን ሸበህ ሰበት ልትረኣ፣ ሸብብ ናሙሰዮት እግል ልትገፈዕ ወጫጮት

ለትፋሬ ዲብ አካናት ማይ እግል ልዳፍን ወደዋራቱ ለአንድፍ ለሰብ መቅደረት ትፋኑ።

ሕማም ሰፊር ለለመጽእ ሐምሰ ጅንሰ ሻይረሰ ክምስል ህሉ፣ ምስል አሻይሩ ወመደረቱ ለሸርሐው ሰብ ምህነት ዓፍየት፣ እብ ሸፋግ ዋጅብ ሳረዮት ረክበ ምንገብእ ክም ለሐዩ አፍሀመው።

እሊ ክእነ እተ እንቱ፣ እብ አዋጅ ለትመነዕ ኤዝያይ ለመድ ልሰዕ ለአተላሌ ሰበት ህሉ፣ እብ ሰበቡ መጽእ ለህለ ናይ ዓፍየት ወዐቅል መሻክል እግል ልትሀወን፣ ፈዛዕት መጅተመዕ እግል ትትወቀል መትፋቀዲ ትቀደመ።

እሊ ክእነ እተ እንቱ፣ መክተብ ማሕበር ወጠን አዋልድ አንሳት ኤራትሮፕ ምዲርየት አፍባብት ምስል መክተብ ምግባይ ናይለ ማሕበር እንዲ ትዓውነ፣ ሰሰ ወርሕ ሲንጀር ለአድረሰዮን 46 አንሳይት አድሐረ።

እተ አፍባብት ወፈልክት ዲብ ገብኣት ዓደት መድሐራት፣ መስኪልት ማሕበር ወጠን አዋልድ

አንሳት ኤራትሮፕ ምዲርየት አፍባብት አሰይድ ፋሞና ሓምድ እተ አሰምዐተ ከሊመት፣ ሀደፍለ ተእሂል አዋፍሐት መናበረት አንሳት ክምቱ እንዲ ሐበረት፣ ለተእሂል እግሉ ለለአትሐዜ ሓጃት ሰበት ትዳለ ለበራምጅ ሰኒ ክም ተመ ሐበረት።

ቀደም እለ ዲብ እዳረት ደዋይሕ ፈልክት ክእነ ለመስል በራምጅ ሰርጉል ክም ዐለ ለሐበረት አሰይድ ፋሞና፣ ዲብ መጽእ ወክድ ክእነ ለመስል ተእሂል ዲብ ደዋይሕ ብዕድ እግል ልትሀዩብ በራምጅ ክም ሀለ አፍሀመት።

መስኪልት መክተብ ማሕበር ወጠን አዋልድ አንሳት ኤራትሮፕ አቅሊም ቅብለት በሐር ቀየሕ አሰይድ ጅምዕ ራኪ እብ ጀሀቴ፣ ለደርሰዮ “ አሰናይክን “ ሐቆላ ቴለተን፣ ለለአትሐዜ ለእሉ ደረሰክ እብ ፍዕል ዶል ልትሸቁ እብ ክምቱ እንዲ ሐበረት፣ መናበረትን ወመናበረት ዓይላተን እግል ለአዋፍሐ ዲብ ድዋረን ተአሲር እግል ሊደዩ ትፋኑ።

ግብለት፣ ምህር እግቡይ ማርሐት ወእዳረት ልትሀዩብ

እዳረት አቅሊም ግብለት ምስል መአሰሰት በቃዕት መአሳሳት ኤራትሮፕ እንዲ ትዓውነት፣ መደት 10 አምዕል እዳረት ወአግቡይ ማርሐት ለአድረሰዮም ምን 12 ምዲርየት ወአንፋር መክተብ ምግባይ ለመጽአው 63 ሸቃላይ ዲብ ዮም 24 ሰብተምባር

ለለአቱ ወለፈግር ጀዋባት፣ ሕፍዘት ምስጢር ሸቅል፣ እዳረት ማልዩት ወዘቤ ክምስልሁመ ዲብ ጠወርት በቃዕት ኖሰ ለረከዘ ዐለ።

ዲብ እዳረት አቅሊም ምግብ፣ መስኪል ውሕደት ጠወርት መቅደረት አዳም ሻብ አሰመርም ታደሴ ዲብ አሰምዐዩ ከሊመት፣

ሙዲር ቅስም እዳረት ወማልዩት አሰይድ ተኪኤ ተወልዳ እብ ጀሀቴ፣ ለተእሂል ዲብ ፍገሪት ድራራሳት እንዲ ተንክበ ክም ትዝመ እንዲ ሐበረ፣ ለደርሰው ወለአድረሰ ለአርአው መትሐሳር ሐመደ።

ወኪል ለደርሰው-መ፣ ለከሰበው



ትደሐረው።

ለተእሂል ዲብ እዳረት ወቅት፣ አግቡይ ጽብጠት ወእዳረት ወሳይቅ፣ ቅድረት እዳረት አሳሰዩት፣ አግቡይ ሕድርፍት መትፋቀዕት፣ እዳረት ዐፍሽ፣ ወመክዘን እዳረት

ለእብ ተጃርብ ለሶም አንፋር መርከዝ በቃዕት መአሳሳት ኤራትሮፕ ለልትሀዩብ ተእሂል፣ መቅደረት ለደርሰው ለወቅል ሰበት ቱ፣ ዲብ አክዶት ሳሬ ወሰርጉል ከደማት ዶር ክም ቡ ሸርሐ።

ተእሂል እብ ፍዕል እግል ልሸቀው መዳሳዮም እንዲ አክድ፣ ክእነ ለመስል ለተእሂል ዲብ ዐቦት ወሰፋየት ሸቅል ሰኒ ሰበት ቱ፣ እዳረት አቅሊም ግብለት እብ ሕሰር እግል ትሰርግሉ ትፋኑ።

ከሊመንት ወዘር ካርጅየት አሰይድ ዑሰማን ሳልሕ ዲብ 78^ይ ወዕለ ዓም ጀምሮ የት መዝመት መጀመሪያ ቅርን



ለይአንተሀዘዩ እንዴ ሐደደ፡ አርዛቅ ዐለም እንዴ ገልመ እግል ብሔቶቱ ለተበዩ ዐገል ስያሱት ለሰበዩ ደግሞ ወሰከሳር ክቡድ ቱ። እብ ፍንቱይ ህዩ ዲብ ዝያደት ግረ ለተርፈት አፍሪቀ ለተሀመሽ አብነት ለተለ ደግሞ ሰኔ ዐቢ ቱ።

አግደ ዲብ ሐልፈዩ 30 ሰነት ምር ቁጠብ ዐሚም እግል አንገሶት ዲብ ትጀረብ እቱ ወክድ፡ አሰክ እሊ አዜ ለፈሸለ ተጀመግት ሐያት እግል ሂበት እግል አቀለዐ ሕርያናት ዐሚም ትንፋሰ

2009 አሰክ 2018 ለጀረ ዐገብ ወጀራይም መኔዕ ምን ጠባዬዕ መናቢት “ምር ቁጠብ” ለልትፈንቴ ኢኮን። እንዴ ተሐበዐ ለኢሊሐልፍ በሊሰ ለጠልብ ሰመዕ በሲር ቱ ህዩ።

ሓይላም ውሓይላት
ዲብ እሊ ለሐልፈ 30 ሰነታት ናይ ዐሚም ለተሐዘ ምር ንዛም እድንያይ ቁጠብ፡ ኢተዐወተ። ሰበቡ፡ ሰሙድ ገባይል እዲነ ዲብ ልደቀብ ጌሰ። ልግህር ለሀለ መቃወማት ገባይል ዲብሰሊናተ ከፈፍል እዲነ፡ ተአምርተ ተቃርብ ናይ ሐዲስ እድንያይ ንዛም እግል ልትብህል ቀድር። ለመጋብህት፡ ቀላል ወሐጫር ኢኮን። ሐሊት ዲብ ትከእልል ዝያደት ዲብ ትትከዘም ክምሰል ትገይሰ ላኪን ሸክ አሰብዩ።

ምሰለ እግል ልትከለቅ ለልትሐዜ ‘እድንያይ ንዛም’ ዲብ ናይ መባትክ አትራተዕ ለፈናተ ናይ እድንዥ ወመንጠቀት መዝማት፡ ግምሽ እሰለሓት እንዴ ወዳክ ገባይል ወድወል ቃሸሸት እግል ልትሐሰብ ኢወጅብ። ምሰል እሊ ሸብብ እዲነ ለአኖክዩ ለሀለ ናይ ዐዳለት ወቃን፡ ሐሸሞት ሕርየት ወሰያደት ክምሰልሁመ ናይ ተዓውን ወረህየት ዘበን፡ ዲብ መዝማት ምጅልሰ ቅርን ሸቢ ናይ ሸክል እሰለሓት ታኖኖት እግል ልግበእ ምህም ቱ።

ግምሽ እሰለሓት መዝማት ምጅልሰ ቅርን፡ ምር አው ክልሓት አንፋር ዲብ ምጅልሰ አምን ወሰኑት አው ህዩ ጂኦግራፍያይት ወካለት እንዴ ኢትገብእ። ዐሚም፡ ዘማቱ ወእርሃብ እንዴ ሀው፡ ሰላም ወመስኩብት ሕበር ለሰአይምን እድንያይ ንዛም እት ፍዕል ክምሰል ልውዕል እግል ልግበእ ቡ። ምጅልሰ አምን እብ አሳሰ እድንያይ ቃትን፡ እምበል ፈናታይ እብ ሚዛን ለበ ገበይ መሰኡልየቱ እግል ልርፈዕ ወእት ፍዕል እግል ለውዕል፡ ዱዩሱ ለሀለ መባትክ ሐቅ ተሰዊት ወብዕድ ዝሉል ለሀለ መአሰሲ መባትክ እግል ልትመርመር ቡ። ሰበቡ ዕድወየት ምጅልሰ አምን ጨብብ መሳልሕ ዲብ ረሸደት ዶል ልውዕል ምሰል መባድእ ሚሳቅ መዝማት ምጅልሰ ቅርን ለናሱብ ኢኮን። መምዘኒ ዕድወየት ዲብ ስያሰይ ወእቅትሳድያይ ተእሲር፡ አው ህዩ ዲብ ብዝሐ ሸብ ሌጠ እግል ልትሐደድ ኢወጅብ። ዕድወየት ዲብ ምጅልሰ አምን እግል ፈይሐት ሱረት አንፋር መዝማት ምጅልሰ ቅርን እግል ልውድሕ ወጅብ።

ምን እሊ እብ መትብጋሱ፡ ዲብ እሊ ሰነት እሊ ወዲብ መጽእ ሰኒን፡ ግም ጀምሮየት መዝማት ምጅልሰ ቅርን፡ ናይ ጎማት መራሕል ገባይል ዲብ ሐዲስ እድንያይ ንዛም እግል ልግበእ ንትላኪ።

ሽክረን!

ልእክት እብ መናሰበት እድንያይት አምዕል ስያሐት 2023

እድንያይት አምዕል ስያሐት፡ እት ክል ሰነትክ ዲብ ዮም 27 ሰብተምበር ለትትዘከር እት ገብእ፡ ሀደፈ መጅተማዕ ዐለም እብ ክሰሱ አህምየት ስያሐት ዲብ መናሰበት እጅትማዕየት ወእቅሳድ፡ ፈሀም ራቴዕ እግል ለሀሌ እግሉ ለአመመት ቱ።

ናይ ዮም ዓመት አምዕል ስያሐት “ስያሐት እግል ፊራር ገማል፡ ሐንቴላ ትብል ስቅራት፡ እብ ደረጃት ዐለም እግል 44 ሰነት ዲብ ሰዑድዮ ትትዐየድ ህሌት። ዲብ ዐድነ ህዩ እት ኩሉ አቃሊም፡ እብላትፈናተ በርናምጅ እንዴ ገምለት እግል 28ይት መደተ ትትዘከር ህሌት።

ናይ ዮም ዓመት ዝክረት አምዕል ስያሐት ፍንቲት ለወደየ ጋር ምን ለሀሌ፡ ዐዳዋት አባያምን እንዴ አፍሸልነ አሰክለ ትወቀለት ዐማር ወመዳፈዐት ረአሰነ ቀደም እንዴ ነአሳድር፡ ናይ ዲብሎማሰየት ሄራርን እብ ደረጃት መንቀጠቀት ወዐለም እብ ሰፋየት ወደቅብ እት ነአተላሌ ዲብ ለሀሌነ ወቅት ንትዘከረ እብ ሀለየትናቱ።

አሸቃል ስያሐት ለመልኩ ብዝሐ ወራታት ጠቢዐት ምሰል ለትፈናተ አፍካር ዐማር ወክሰሓት ረአሰማል እግል ልትመቃረሕ ወልትመሳኔ ላዘምቱ። እትሰ ናይ ዮም ዓመት ስቅራት፡ “ተናን ለአለበ ሰናዐት” እንዴ ትትብህል ለትትሸረሕ፡ ምሰል ፊራር ገማል እንዴ ትጸበጠት ምን ትመጽእ ጋር ሐዲስ ኢኮን።

ክምሰለ ራኢስ ኢሰያሰ አፍወርቂ ዲብ ሄለል ናይ እሊ እት ግርቡቱ ለሀሌነ ወሬሕ ሰብተምበር ዲብ ኬንዩ እት ለገብእ ሰልፋይ ማሕበር-ጎማት ሓላት ጀው ቃረት አፍሪቀ ለሸርሐዩ፡ ምን ወቅት እት ወቅት እንዴ ተአኬ ወትትደቀብ ትትረኤ ለሀሌት መደረት ሓላት ጀው፡ ሐቱ ምን መቃክል ዐለም ዐባዩ ሰበት፡ እግል ዳፈያተ ድወል ቃረት አፍሪቀ አርዛቀን እንዴ ሐየባዩ፡ እብ ካድም ወመቅሬሕ ሕበር ናይላ ቅድየት ሐል ዳይም እግል ልሕዘዩ ክም ወጅብ፡ ናይ ለኢሊአትሐዘዩ ናይ እሊ ለሀሌነ ዲብ መደት መሰኡልየት ቱ።

ክምሰለ ክል ዶል ለልትሸረሕ፡ ኔድቃይት ተረት ሸቅል ስያሐት ዲብ ዐማር ወጠን እምር ሰበት፡ እሊ ርዝቅ እሊ እብ ተአሰትህል ምን ኢልትመረሕ ወኢልትመቃረሕ ላኪን፡ ዲብ ዓዳት ወንባሪ መጅተማዕ፡ ክምሰህሁመ ዲብ አርዛቅ ወድዋር ለሰብበ መደረት ደግሞ ክምሰልቡ ዲብ ሕሳብ እንዴ አተ እግል ልትሸቁቡ ለአትሐዜ። ወራታት ስያሐት እብ መሰኡልየት ለረፈዕ ደግሞ ምን ኢልትጸባዩ፡ ለኢሊአትሐዜ ክሰሐ ጠቢዐት፡ ዓዳት ወበደ ወአሰር ተእረክ ቀዳምያም ክምሰል ሰብበ ምን ተጃርብ ለትፈናተዩ ድወል ብዕዳት እግል ልትአመር ቀድር።

ሕኩመት አራትርዮ፡ ከደማት ስያሐት ደማት ለተአክደት ወመሰኡልየት ብቅዕት ወሳፍየት ለለአረፈዕ፡ መሰለሐት አግማም ዲብ ሕሳብ ለአተ እግል ልግባእ ክም ለአሰትህሉ፡ ዲብ ዐገል መስተቅበለ እብ ዋዴሕ ካትቡቱ ህሌት። እሊ ዐገል ስያሱት እሊ ህዩ፡ ርዝቅ ወውራሰት ናይላ መጽእ አጅያል እግል ልግባእ ለቀድር ክብት ቅብላት መሳሌሕ ወመካሰብ እቅትሳድ፡ እጅትማዕየት ወአክደት ሰላመት ወንጎት ደሐን ድዋር፡ ክምሰህሁመ መሰለሐት ለሀለ ወለመጽእ ግም እበ ለለአይምን አብሳር ድጉግ ወመሰኡልየት እግል ንትጎፈዕ እብ ክም ብነ ለአመማቱ።

በሐርን ወድዋርን እግል ኢልክሳሕ፡ ዲባም ለልትረከቦ መክሉቃት አውመ ሕያያም እግል ኢልትአዘው ወኢልሰረቱ፡ ፈዓልየት ለበ መራቀብት ትርድት ወምሰዳራት ራቴዕ ንሰሓት ህዩ፡ ክፋል ናይ እሰትራተጅየትን ወናእየትን እንዴ ወዳናህ፡ ኩሉ ዲብ እሊ አሸቃል እሊ ለትገብእ ፊራር፡ እብ መምረሕ እሊ እግል ልትቀየዶ ላብድ ወዋጅቡ።

እትሊ ሸቅል እሊ፡ ክም ሸብ ለሀለ እግልነ ለመድ ወንባሪ ሐሸመት መጅተማዕ፡ እግል ድወል ብዕዳት መሰል ሰኔት እግል ልግባእ ለቀድር ሰበት፡ ምሰለ ለንትአመር እሰም ናይ ጠቢዐት ወዓዳት አርዛቅ፡ ሰላም ወአምን እንዴ ትወሰክ እቶም ዐድነ ፍንቲት ናይ ስያሐት ጀለብ ክም ወደየ ሸክ አለቡ። እሊ ሕራይ አርዛቅ እሊ፡ እብ መትጃግራይ ከደማት ስያሐት ሕራይ፡ ዓድል፡ ራቴዕ ወሳፊ ምን ነአትመቃረሐ፡ ሸንህት ቤጽሐት ዐለም እግል ነአትምም ወመትጎፈዐት ምን አርዛቅ ስያሐት እግል ንግባእ ክም እንቀድር ሸክ አለቡ።

እትለን ለሐልፈዩ ሰነት ሐዳት፡ ፈርህት ገሸለት ከርን እግል ክርዐት ለተዐለነ ሸርግት፡ ዲብ ከደማት ስያሐት ለክልቀዩ መቃክል ዲብ አካት እንዴ ህሌ፡ ለሀለ እግልነ አርዛቅ እንዴ አትሐሰሱን ተአምርተ ወጠን ወሸብብ እግል ቤጽሐት ወኬሰሓት ረአሰማል እግል ፈረጎት ለሀለ እግልነ በርናምጅ፡ ምሰለ ለክሰሰም አጅህዘት ሕኩመት እንዴ ትመቃረሕክ ካድም፡ ለሀሌነ ዲብ መርሐለት ለትጠልቡ ሸቅል እግል ልግባእ ወጅብ።

ዲብ ደንጎቤ፡ ክሎም እትለ ወራት እሊ ለሸቁ መአሰሳት ሕኩመት ወመአሰሳት ብሕተ እት ሸቅል ስያሐት፡ እግል ዐማር ወጠን ዳይመት ለትወጅብ ተረቱ እግል ለአትምም እብ ሕበር እግል ልክደም፡ ብሐሳት እግል ሊደው ውዛረት ስያሐት እብላ መናሰበት እሊ ተአትፋቅድ።

ሰብተምበር 2023
ውዛረት ስያሐት
ዝክረት ዲመ እግል ሸውሀዳን!
ዐውቱ እግል ገቢል።

ሓይሰ ርኢሰ ዓም ጀምሮየት መዝመት መጀመሪያ ቅርን

ሓይላም ሚርሐት ድወል ወሕኩማት

ሓይላም ወካይል ሓይላም ውሓይላት

አሰልፍ ሓይሰ ርኢሰ፡ ርኢሰ ናይ እሊ ወዕለ ዓም ጀምሮየት እንዴ ገአክ ምን ተሐሬክ አሰናይክ እብል።

እንዴ አትሌኮ እግል ሓይሰ ርኢሰ ኢሰያሰ አፈወርቂ እንዴ ወክልት እሊ ለተሌ ልእክት አትሐላልፍ ዲብ ህሌኮ ሸረፍ ለሰመዐረ።

ሓይላም ውሓይላት መዝመት መጀመሪያ ቅርን

ዲብ ዮም 24 ኦክቶበር 1945 ምን ትትአሰሰ ወሐር 78 ሰነት እድወርት ህሌት። ሐድ 45 ሰነት ምን እሊ፡ ዲብ ዘበን “ሐርብ ብሩድ” ሐድ 30 ሰነት ህዩ፡ ዲብ ግምሽ ጀርቤታት እግል ምር ረአሰ እድንያይ ንዛም ቁጠብ በደ።

ዲብ ናይ ትርኢኒ “ሐርብ ብሩድ” ለትከሰረ አብነት ገባይል ልባብ ለሀህይብ እት እንቱ እግል ልሰየሕ ዲብ ወጅቡ፡ ግረ መትፈንግር እተሓድ ሶቬት ለዐለት፡ አሚሪካ ለትመረሐ ጨብብ ልብን ዲብ ናይ ዐሚም በርጠጠዕ እንዴ አተ፡ እግል ክሉ

እግል ትብለሰ እብ አምሪካ ወሰብ ልብነ ልትሐበክ ለሀለ አዘማት፡ እግል እዲነ ዲብ ለትኬለመ ደግሞ ዋልዩ ህሌ።

እብ መጅብ እሊ ዲብ ናይ አፍሪቀ ቀራራት ሸብብ ለሀለ መቃወማት፡ አተላላይ ንዳል ድድ እሰትዕማር፡ ተአምርተ ንዳል ድድ “ ዘበናይት ግብርነት” ዘማቱ ወዐሚም ቱ።

“አልቃዕድ” “ዳዕሽ” ወ “ሸባብ” እንዴ አተምሰልክ ወራታት እርሃብ። እብሊ ዓማት አግቡይ ቱ ለትከለቀ። ኖሶም ለዴመት ለከልቀምም ዱቅሪ አው እብ ወለት ገበይ ለመሠሉም፡ መሰምሰ መትአታይ ወአሳዋር ነዐር ክምቱ ህዩ ምን ለገብእ ለግበእ ለተሐበዐ ወለትሰተረ ኢኮን።

ሓይላም ውሓይላት

ዲብ ጸባይብ ናይ እሎም ቅዋት ዐሚም፡ አህዳጭም እት መግል እግል ለውዕሎ ለዋልወ ሐሸለት ፈንጨጋር ወረብሸት፡ ወቅት ረዩም ለነሰአት፡ ዐጃመ ምን አረይ ናይ እሊ ኢትጎጃት። ዲብ እሊ እግል እወድሐ ለሐዜ፡ ለዲብ 1950ታት “ምን አጅል ጂኦቅራፍያይ መሳልሕ” ናይ እሊ ቅዋት እሊ እንዴ ትብህለ ለትከደደ ሐቅ ሸብብ ኤረትርዮ እግል ሕርየት ኢኮን ሀድግ ለህሌት። ሚ ደአም፡ ምን

እድንያይት

ክል አርቡዕ ለትጠ'በዕ ጀሪደት

መዳልያይ፡
- መሐመድ እድሪሰ

ለይአውት ወአርተዖት
* ዘሀረ ዐሊ
* ፋዋን እድም

ተለፎን፡ 121797/07121322
ፋክሰ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.ቡ፡ 1284

2ይ ክፍል

“ሰላም፡ ሓይሰ ሐው፡ ሳብሪን እት በሀል፡ እሰልፍ ሰኣልክ እግል ይእትጸበር ኮንዶእ ናይ ከርሰዬ ሸዑር ሐየእ ወክጅል ኣንጎይት እንዴ ትረፈዐየ ምንዩ፡ ከእብ ኢሰባሪት ገሌ እት ዳርከኒ ክምሰል ዐስከሪ እት ምቀደም ኣባዩ ባዮር እት ሐንቴ ሻምከ ዐፎ እትጸበር ህሉት፡ እሊ ለእግልዬ ዳርክ ለህለ ጅወታይ ሸዑር ህዬ እት እዳክ ክምሰል እትካሬ ዋዲዬ ህለ፡ ኣማን ተ፡ ሰልፍ ህግዩ ምን ኣፋክ እግል ትፍገር ዐለት እግል፡ ላኪን (ልብ ክልብ ቱ) ክምሰል ልትብህል፡ ልብ ኣንጎይት ሐቆ ፈተ ቀይድ ወልጃም እንዴ በትክ ለኣሰተሰልም፡ እንዴ የኣትዳቅብ እትክ ህዬ፡ ኣማን እግል እድገም እግልኩ፡ ምክሕት ዐልኩ፡ ምክሕት ዐልኩ ናይ ማሌ ላኪን ሚ እግል ትግበእ! ኣዜ እለ ኣነ ኢኮን እዳዬ እት እዳኩ፡ ወእራደቼ እት ሐንቴ እራደትክ እክሬ” ትቤ ሳብሪን ከእግል ኣጭብዕተ እብ ኣፋህ ተልህት እቱ።

ላመ ግሩማይ ገዴታዩ እብ ክምሰል ሐምደ ሰልፍ ቀይም ዋድቀት እቱ ምን ህለ፡ እብ ለህበት ሐየእ ወክጅል ፍፋእ ቅጠር ወደ፡ ሻም ለልትብህል ሸዑር ክልቀቱ ፍንጅት ተ፡ ፍንጅ ሚ ልብሉኩ ወሚ ትወዳ እንዴ ኢትደሌ እት ወዳነ ተመህ ወበዐል ቃብል ትትገሴ፡ መፍቶ ሰብ ሕሚት ወኣትህደጊት ወዳኩ፡ ኮንዶእ ለምን ክሉቅቱ! እግል ክል ግወይ፡ ጸጉብ ወበዐል ሞላድ ሕሩይ እብ ኖሱ ክምሰል እዳሁ ለህይብ ወድዩ፡ መስጠር ናይ እሊ ሻም ለልትብህል ለእብ እዳ ኢልተምተም ወእብ ዕን ለኢልትርኤ ሰኒ ፈዳብ ቱ፡ ፈዳብ እብ ፍድብናህ፡ ሓሸለ ሕሩይ ምን ሰናቱ ወግመ፡ ሓሸለ እግል ሸንብሬብ ኣልባብ ሸባባት ላሊ እግል መርኢተ ታርህ ህህጉን።

ናስር እብ ጅንሰ ተብዐት ክልቀት ለትክፈለየ ክጅል ወሐየእ ወመስጠር ልቡ እብ ዋድሕ እግል ልሸረሕ ምንመ ትጋደሉ፡ እት መቀደም ሳብሪን ላኪን ቅድረት ወሐለት ሐግሎ፡ ላመ ምን ኣፍ ሳብሪን ፈግሪዩ ሐዳት ዞታታት ምን ኣፋሁ ፈጊር እግሉ ኣበዩ መስኪናይ።

ናስርመ እግል ኣርወሐቱ ዳርክ ወልትጋደል ሐቆለ ጸንሐ እብ ክእነ እት ቀደም ክልኤ ዕን ሳብሪን ርዳድ ፋቲ እት ምቅደም በዐል ሻሙ በልሰ ወእብ በሊሰ ርሐ ትክሸገ።

“ኣሰናይ ደሐን መጽእኪ፡ ሰኔት ሰሚተ ለእብ ሰባሪት ወደፈኣት ትሰሚኪ፡ ሰምኪ እንዴ ይኣምር ልብዬ ክትል ልብኪ እግል ልግበኣ እግልዬ እንዴ ትፈንጅ፡ ምን ልንጉይ ልብኪ ገብእ ኣምዳላት ኣትዐለብ፡ እሙር ኢኮን ረቢ እንዴ ወደየ ከዩምክን ህቱ ዳሪኪኪ ገብእ እቱ። ሰሚቹ ናስር ትትብህል፡ ይትምን ዋልዳይት ምን መሐበር ዋልዳይ ወሐውዩ ፈንጅ፡ እግል መትኣማር ምሰልኪ ኢኮን ለኣቱህ እለ መዳኒት፡ ቀደር ሻምኪ

ገለሌኒ ገብእ፡ ላኪን ሰብ ከር ገብእ እግልዬ ለእት ለዘት ሻማት ለኣቱ፡ ትፈደሊ ወትሃጅኪ፡ ላኪን ኣነ ቀለበት ምደሸት ብዳብዬ ረቢ ምን ሐገሌብ ልንጃኒ ወልንጃኒኪ፡ ጁብ ፋዲ በዐሉ ምን ክል ሸንሂቱ ወምራዱ ታርፍቱ፡ ሐቆ እዳ ኢመጤት ንዩትመ እብ ክል ሸንሂተ ትገሴት፡ ኣርሕቢ! ትፈደሊ! ምሰልኪ ልግበኣ ወብሕቶትኪ ልብ ሐኪ ናስር፡ ምን ኣመረ ብሶትመ ተህሌ ትገብእ ኢኮን? “ ቤለ ናስር ዶል እግል ሳብሪን እት ለኣትቃምተ ወዶልመ እብ ዕን ሕውራፋ እት ገንሐ፡ ፍንጅ ሸዑር ፈርሐት ወመፋጅኣት እንዴ ትሓነ ክልሕ ብልሕ ገብእ፡ ፍንጅ ክልኤ ሰበር ለእግልን እንቤ ሕትይ እት እንቱ ህዬ፡ ህቱመ ክምሰል ግሉል ሳብብ እጭብብ እቱ ተመህ ወደ።

ክልኤ እድሁ እግል ሳብሪን ልግበሰ እብን ሐዘ መሰሊ፡ ኣስክ ሳብሪን እንዴ መቀኣን ኣመት ኣለበ ህዬ እብ ንዩት ፋርህ በልሰን ዐለ፡ እግል ልትፋጠነ ምንመ ሐዘ ግላይላ ግሩም መካልቀ ወሰኒ መግልሰ ኣንጎይት ሐለት ወሰብር ክልኣዩ፡ ክምሰል ግሉል መትሰሕቃይ ጋ፡ ወመክጅላይ ሞላዱ ወፈታዩ፡ እት ደምእ ወለኣድኖኔ ልትርኤ ዐለ፡ ኣክለ እብ ሰባሪት ኣብተሰመ ህዬ ህታመ ፈታህ ወሻማተ እት ወሰክ እቱ ትገይሰ ዐለት።

ሳብሪንመ ለእት ቀደመ ግሉይ ለዐለ ግሩም መግትኩ ላቱ ወሬዘ ልበ ቀይድ ወልጃም ምንዲ በትካቱ እንዴ ኢኮን ክል ኣንጎይት ለተኣራዲ ኢኮን ለዐለ፡ ለክል ሻብ ወወሬዘ ለክጅለ ወለሐሸመ እብ ምርካብ ዐደ ወግሩም መካልቀ፡ ሳብሪን ሰደሰ ኣርወሐተ እንዴ ኢለዐጅብ እብ እዳ ኖሰ እት ሐንቴ ጸላል ሰደሰ ናስር ጀግሐት፡ ሻማተ ወሬዘ መንደላይ ናስር ኣፍ እንዴ ኣፍገሪ ከኢኦም እንዴ ኢኮን እግል ክጅል ኣንጎይት ክምሰል ትትከየድ ወትትሐለፍ ወደዩ።

ለክልኤ መሳኒት ሳብሪን ላተን ሰነ ንዕመ ወንዕማት እብ ቅንእ ወሕሚት እግል ናስር ወሳብሪን ጀቅ ለኣብላህም ዐለዩ፡ “ዩቡ! ባዲ ግበእ፡ ለኣስር ኣዋልድ ትጃር ኣንገዋጋይ እሊ፡ ኣዜ ሚ ረኣ እተ ገብእ እለ ምጭዕት እሊ፡ እምበለ ቀርብት ለእብ ክሬማት ደካኪን ናደት ለህሌት ብሸረት ወጅሁተ፡ ሻም ላቱ ግድም ዐዱ ግርመት ኢገብኣት ሕቼ ትቀብሪኒ፡ እምበል ተዋብ ጸርክ ግንሐት፡ ግርመትን እት ልርእየ ኢኮን ገብእ ለኣስክ ኣዋልድ ትጃር ለትደለለ ለህለ፡ እሊ ቃዊ እሊ፡ ደሐንቱ እንቱዲ ክል ዎርት ምን ዒን ሻማት ፈታዩ ለዘት ሻማት ለኣትዳወር” እት ትብል ደሚረ በርበሪት ንዕመ እግል ንዕማት፡ ለክልኣት ፋቲያም ላኪን እግል በህል ሰብ ሕሚት ለትሰምዕ እዘን ይዐለት እግሉም፡ እምበለ እት ደሚርም ልትወሰዕ እግሉም

ሻም ሕዋሌ

ለዐለ ሰካብ ለኢሊህይብ ሻማቶም፡ ሻም ለልትብህል ህዮብ ጠብዐት ቱ፡ ለዘት እብ ዐዛብ ለትገልበበ ወትከለበት፡ እት መትረካዎም ህሌት ለለዘተ ሻምም፡ እት ፍንጅቶም ህሌት ለዘክረት ወለትዐበት ለናይላ ምሰንዮት፡ እት ፈቀዲቶም ህሌት ለኣትዋራደ ህመት ወለ ትርሃን፡ ሰካብ ኢኮን ወቅሳን ገርብ ዕሩፍ ወዐቅል ትዕብ ወሸቁል እብ ህመት፡ እት ወቅት መትረካዎም ትገብእ ለለውቀት ወለ ፈርሐት፡ ዐዛብ ሻማት ንዕመት፡ ወሰፈላሉ እቱ ህሌት ለናይ ክል ዶል ጠዕም ወለዘት፡ ክርብቱ እግል በዐል ሻም ዕርፍ ተ ወንዕመት፡ ናቅሱቱ ኖሱ ለኣተምመ እት ክል ሳዐት ወሳንዮት፡ ኣቤ፡ ሻም! እቱ ህሌት ለለዘት ወጠመት ለእብ ዐዛብ ትከለበት፡ ሻም ኣካት ለኣምረ ኣለቡ እምበል ቁስ መጅኑን ለ ይ ለ ። ወ ለ ይ ለ ወለት ዓምር ለምን ዒን ሻ ማ ት ቀርደዐት።



ሳብሪን ወናስር ግድም ሐቆ ደሚር ኣድሕድ ደለው እብ ኣሕድ ሐካሕው፡ ዐደ እግል ሳብሪን ኣክለ እግል ልኡክ ኣስክ ሱግ እግል ሐወ እግል ልልኣት ሐዘውተ፡ ክምሰል በክት እንዴ ወዳተ ፍግረት ኣስክ ሱግ እብ ሸፋግ ዕዩተ እንዴ ለብሰት ተኣወልውል ዐለት፡ ህተ እግል ፈጊር ብርንቶ እንዴ ገብኣት፡ ለዋልዳነ ልግብኣ ወለ ሐወ እብ መካይደ ትፈከረወ፡ ምሰል ደሚረ ህዬ ኣክለ ኣስክ ሱግ ጌሰተ እግል ረኣየት ናስር እንክር ማነ ወገለበ ኣትወረት፡ ክልኤ ዕንተ እምበል ረኣየት ናስር ግንሐት ኣበዩ እግል፡ መስኪንቱ ልብ ፋቲ፡ ክል ዶል እግል ረኣየት በዐልሻሙ ለኣትናውር ሕሻኪ፡ ትሰሐቅ ኢኮን ወትሃጅክ እምበል ደሚር ቃሲ ወዕንታት እብ ኣናብዕ በዐል ሻም ጃምም ወግኪ፡ ኣልባብ እሎም ክልኣት እሎም ምሰል ቀንጸ ወትገሰ ኣሬመ ወኣቅረቤ፡ ምን ቅሩብ እግል ኣድሕድ ሐሸካሸከው፡ ወምን ረዩም እግል ኣድሕድ ተህገው፡ ግላይ

ምሰል ኣሕድ ሰርቤበ ወመትህጋን በዘሐ እቱ፡ ልብ ፋቲ ወፍቱይ ሚ ዶል ምን ረኣየት ኣድሕድ ጸግበ፡ ህቱ እት ምትክራሩ ተርህ፡ ወህተ ምን ቅባሉ እብ ግላየ ቀደም ሰካብ ወቅሳን ጸብሕ ምድር ኣጸበሐት፡ ኣመት ኣለበ ህዩ ምድር እብ በርህት ፈጅር ጸሓዩ ኣትናወረ፡ ከእግል በሻይር ጸብሕ ምድር ክል መክሉቅ ፈርሐቱ ሸርሐ፡ ልእክት ኣሰናይ ሰራይር እት ኣድሕድ ጨቅ-ጭሪቅ ትብህሉ፡ ላመ እብ ኣሕድ ተርህ ትመዩ ኣልባብ እግል ሐምዴ ረቢ ሰልፍ ፈርድ ረቢ ነስኣ ወሐሪ እብ ደዐ እብ ሰኔት ምን ልቡ ተምን።

ናስር ሐቆ ሰላት ኣሰቡሕ ዝያድ ክሉ መህመም በዐል እዲን እብ ደህሩ እት ደዐ እት ጨቅዋ ልትረኤ ዐለ፡ ወእብ ርኡይ እግል ረኣየትላ ምን ልቡ ፋቲህ ለዐለ ሳብሪን ኣትቃማት ወመትዋሳብ ለኣበዘሕ ዐለ፡ ምን ክሉ ህዬ፡ ለፍንጅህ ወፍንጅ ሳብሪን እሱሰ ለዐለ ብክር ሻምም እት ትምኔት

እግል ልብጸሕ ምን ልቡ እት ልትድዴ ልትሰመዕ ዐለ፡ እብ ክእኒ ህዬ፡ ልትድዴ ዐለ፡ “ደረቢ ኖስክ ህሌክ ሞላይ፡ ሐሊብ ምን ደም ለዓሬኩ፡ ቀብሐት ለሰተርኩ፡ እኪት ምን ሰኔት ለፈንጅኩ፡ ሐቅ እት ረኣሰ ዝልም ለሸዩምኩ፡ መህመም ምን ክርብት እዲን ወኣልኣክሪ ለፈገጅኩ፡ ፋቲ ምሰል በዐል ሻሙ እብ ዐቅድ ሐላል ለጀምዐኩ፡ ሰኔን ጀሐር እብ ረሐመትክ ወከረምክ እብ ዝላም ወነባት ለሰርገኩ፡ ብኡሰ እብ ሐቅ ለኣትዓሬኩ፡ ባድየት እት ሸፍረ ለኣቱኩ፡ እት ንዩቹ ለህሌት ወሸንህቹ ምንክ ኢትብዴ፡ ወኢትትሐበዕ ሞላዩ! እለ ሳብሪን ብሕቶቹ ወደዩ ወእም ጸዋዩ መቅረሐ ጎዬ፡ ሸንን እት መጦርዬ፡ ታምም ምራድ እግልዬ ወግዋሬ በኪተት እግል ጎርዬ፡ መክዘንክ ብዘሕ ቱ ኣርዘቀኒ፡ ቀርጃ እሙር ቱ እት እዳዬ ኣጽብጠኒ።

ናስር ምን እተ መዳኒት ለሳብሪን ትካብር እተ ለዐለት መጽኢ፡ በዲር ሸቅል ምንመ ይዐለ እግሉ ሐሪ ላኪን እብ በክት እት ዎርት ድካን እት ጀፈር ድካን ዐድ ሳብሪን እግል ልሸቄ ኣሰተብደ፡ እትሊ ሸቅል እሊ ሐቆ ኣተ ላቱ እግል ረኣየተ ለእግል ፈቱ ሳብሪን ዐቢ በክት ገብእ እግሉ፡ እት ክል በል ዕንቱ እግል ልረኣየ እት ልትምኔ እት ክል ምጽኣተ ወእቅባለተ ዕንታቱ ሳሪ፡ ህታመ እንዴ ኢትትህኪ፡ ወልኡክ ኢተኣቤ፡ ኣክለ እግል ሱግ ሐዘወ ዐደ እብ ቀደም ድካን ናስር እግል ትሕለፍ እብ ትሉሉይ ኣውህሌት፡ ክልኡቶም ህዩ እግል ግንሐት ኣድሕድ ልትረይሐ ዐለው። እመ እግል ሳብሪን ሐሲን እሲት

ሰኒ ፈዳብት ወመንተብህት ተ ለዐለት፡ እግል እት ወለተ ትርእዩ ለዐለት ጠግዬዕ ሐዲሰ ልበ ገብእ ሰበት ይዐለ፡ እብ ደሚረ እግል ትትሰኣለ ሐዜት መሰሊ፡ እብ ክእኒ ትባለሰት ምሰል፡ “ሰምዲን ሳብሪን ወለቼ” “ኣሃ ይማዬ ሚ እግል ትብሊ ገብእ ሐዜኪ?” “ ሰኒ ሳብሪን ወለቼ ኢትትካሬኒ ዕቅረቼ፡ ኣነ ክምሰሌኪ ወለት ኣንጎይት ሰበት ኣነ ዝያድ ኣብኪ ወሐውኪ ደሚርኪ ወንዩትኪ እግል ኣምር ህለ እግልዬ፡ ኢመሰሊኪ? ሐሬ ህዬ፡ ሄራር ሐያት ምንኪ ወለዐል ኣነ ኣምሩ፡ ላመ ዕምር ለእንቱ ህሌኪ እቱ ዝያድ ምንኪ ኣናቱ ለኣምሩ ወእፍህመ መሰሊኒ! “ፍዕለን ይማዬ ላኪን ሚ እግል ትብሊኒ ክምሰል ሐዜኪ የኣምርኩ? በልሰት ሳብሪን ኣጭብዐ እት ትኣትናቅዕ፡ እት ገጸ ህዬ እሻረት ፈርህት እት ተርኤ።

“ኣቤ፡ እግል እበለ ለሐዜኩ፡ ገደ እምኪተ ካልእ ኢኮን፡ ገሌ እት ጠግደዲኪ ወኣደብኪ ማጽኢ ለህለ፡ ወኣነ እትሊ ናይኪ ዕምር ለእትጸበሩ ቱ፡ ህቱ ህዩ መሻቀሰት ወኣዘም ወመትረገሸ ነፍሰ ወእንትብህ እት ኣርወሐትኪ ቱ፡ እሊ ህዬ ኣነ ክምሰል እምኪ ፋትየት ክምሰል ህሌኪ ልትፈህመኒ ህለ፡ እትሊ ዕምር እሊ ህዬ እግል ትፍቱ ወትትረቱ ላዘምቱ፡ ላኪን ላመ እግሉ ትፈቱ ወፈቱኪ እግል ትድሬሱ ህሌት እኪ፡ ድራሰት እንዴ እብል ላኪን ምሰል እት ተጃርብ ሐያት ከዋወት ናስኣም ላቱ እግል ልግበኣ ለብኡ ቱ፡ በህለቹ ውሉድ ምሰል ዋልዳዩ እግል ልትሻወር ህሌት እግሉ እብል፡ እሊ ህዬ ክል ዶል ፍንጅ ውሉድ ወዋልዳይ ኣማንት ወትርድት ዕላቀት ወምሰንዮት ሐቆ ህሌት በህለቹ ቱ፡ ሕብዕ ወሰትር እት መስተቅበል ፍሬ ሐቱ ኣለቤ፡ ፍሬህ እምበል ከይነት ሌግተ፡ ኣዜመ ሐቱተ ከክምሰል ህሌተ ኣነ ወእንቱ ዩም ክምሰል እም ወወለተ እንዴ ይእንገብኤ፡ ክምሰል ክልኤ መሳኒት ወእት ዎርት ዕምር ለህለየ እንዴ ገብኣነ ተዩልልኪ ወንዩትኪ ኣሰእሊኒ” ቱለ እግል እተ እዳህ ጸብጠተ ለዐለት ቱሌፎን፡ ኣሰክለ ጠርቤዘት ወግረተ ምን።

ሳብሪን እሊ ሰድ እሊ እግል ግሩማይ ገዴታዩ ደብነ ሕሳባት ኣሰለበበት እቱ ምን፡ ላመ ኣማን ክምሰል እመ ቱላተ ክምሰልተ እብ ደሚረ ይቅንት ምንመ ዐለት፡ ለእግሉ ፋትየት ለዐለት በጽሕ መንደላይ እብ ዝሩፍ ወመናበረቱ እግል ልትሃደው ክምሰል ኢቀድሮመ ኣምረት ዐለት፡ ክለ ለእግል ትብል ሐቲህ ትቀዌት እተ፡ ፋትየት ኣነ ወማል ኣለቡ ወዐዱ እት ብሩር ነብር ህዩ ሸንሂት ሻመ ለትኣረዌ ኢመሰለት እተ መስኪነት ሳብሪን፡ ፍንጅ እለ ወሌህ ህዩ ትሐኔት፡ በህለት ፍንጅ ሻም ናስር ወኣከይ ዝሩፍ ወመናበረቱ፡ ምን ኣዘም ወበህል ህዩ ደምእ ወኣድናናይ ሓርየት እት እንተ ትም ትም ገብኣት፡ ሐሲን ግድም በክት ሃይብተ ለህሌት እት መሰል እንዴ ኢተኣትጭብብ እት ትጸበረተ፡ ትተላሌ ...

መቃብላት ምስል መስክ-ል እዳረት ደዋዩሕ ጠሕረ አሰይድ መሐመድ-ዐሊ ሓምድ



2ኛ ወናይ ደንበበ ክፋል

ሰአል፦ መትከምከም ገባይል ዳሕዩት ጠሕረ ሚ መስል?

በሊሱ፦ እሊ ገቢል እሊ እግል ልትከምከም ገብእ ምን ገብእ፡ እሊን አሰኝሎት እግልን ትብል ዐልከ ዲብ ፍዕል እግል ልውዐሊ ህሊ እሊን። አዳም ትከምከም ምንገብእ ክሉ ከደማት እጅትማዕደት እግል ልርከብ ቀድር። ምሽክለት ናይ ማይ እንዴ ትደረሱት ማይ ካሬ ትረከብ ምንገብእ፡ መጃል ዓፍዮት ለለትሐዜ አሳሰ እንዴ ገብእ እሉ ዳለ ምንገብእ፡ መዳርሰ መኣንብታይ ወምግባይ ደረጀት ለለትሐዜ አፍሱል እንዴ ገብእ እሊን ዳለዩ ምንገብእ፡ ወሱግነ ለገብእ እቱ እንዴ ተአመረ ዳለ ምንገብእ ሸዐብ እሊ እግል ልትከምከም ምሽክለት አለቡ። እግልሚ ትከምከም ምንገብእ ወከደማት ኢረክብ ምንገብእ መሻክል ናይ ሕማም ሌጠ እንዴ ገብእ ተርፍ ሰበት እሊ መትከምከም እግል ልግባእ ከደማት ምህምቱ ሸዐብ ህይ እሊ እምብሉ ለዐልነ ትወጀደ እሉ ምንገብእ እግል ልትከምከም መሻክል አለቡ።

ሰአል፦ ሐርሰ ወርዕዮ ህይ እብ ፍንቱይ እሊ ሸዐብ እሊ መናበረቱ ዲብ ርዕዮተ ለትከምከም ከአዜ ሚ ትመሰሉ ህሌኩም?

በሊሱ፦ መናበረት ናይ እሊ ሸዐብ አሰክ አዜ ለበዘሐት እብ

ርዕዮተ ለህሌት። ወሊ ንዋይ ጌሰ ምን ምን እንብል ለአዳም ለመድ ናይ ንዋይ ሰበት ህሊ እሉ ለሐዶቱ አሰክ እሊ ዲብ ጠሊቱ ወወአቱ ለህሌት። እሊ እንዴ እንብል ላኪን 10% ለልሐርሰ ህሊው ወ 10% እብ ትጃረት ለልትናበር ህሊው ለ80% ላኪን ትርእዩ እንዴ ህሌክ አሰክ አዜ መናበረቱ ዲብ ርዕዮ ለተንከበት ቱ። 80% እብ ርዕዮቱ ነብር እምብል እንዴ ህሌነ ላኪን ለአማክን ናይ ርዕዮ እግል ናሱ ኢህሊ። ለዘላም ክመ ተትሐዜ ዘልም ሰበት ኢህሌት ወምንመ ዘልም አንወዮት ሰበት መጽእነ ሰዐር ከረም ልትባላዕ ወሰዐር ቀይም ይህሊ ወሊ ብሂመት እብ ጀፋፍ በዴ ህሌት።

ሰአል፦ መዋሰላት ወእትሳላት ዲብ ደል እንገንሕ ህይ ዲብ ጣሕረ ከአፎ ህሊ?

በሊሱ፦ መዋሰላት ወእትሳላት ረቢ እንሻኣህ ምን አፋክ ለአትምመ እግልነ እግልሚ ዲብ ምንጠቀትነ ክሉ ረአሱ ሰበት ኢህሊ። አካን ናይ ሸበከት ክልኤ ህልዩ ዲብን እንገይሱ። እንክር ጣሕረ ጸዕደ ደል እንገይሱ ምን ኬን ለብሸተ እንብል ምን ቀርጸት ለትህይበናተ ምን ጣሕረ ጸሊም ነፈር እግል ሊጊሰ ገብእ ምንገብእ ሳዕት ወሰር ገይሱ። ወምን ጣሕረ ጸዕደ ለገይሱ ነፈር አርብዲን

ደቂቀት ወምን አብዓምር ህይ ክልኤ ሳዕት ትገይሱ። አዜ ናሰነ ሕነ ለአዳረት ናይ ጣሕረ ጸሊም ሰበት ትቀርብ እግልነ ምስል ምዴርዮት ለንትራኩብ እብ ሰላሰ ወሐምስ ደቂቀት እንገይሱ ወክምስልህ ሰላሰ ወሐምስ ደቂቀት አቅብሎት ንትነፋዕ።

እብ ክሱስ መዋሰላት ተሃንነ ምንገብእ ህይ መዋሰላት ካሰ አላብናኒ ናይነ ሌጠ እንዴ ኢገብእ ለምዴርዮት ናሰ ክሱስ ወእመር መዋሰላት አለቡ። ናይ ውላድ ዐድ ነአይሸ መካይን ህለዩ ምን ርኩብ አሰክ ሻባይ ለልትባህል ወአሰክ ፍቱይ ለገይሱ ደል እንረክብ። ወደል ደል ህይ አሰክ ሐናብ ምድር ማርዮ ለገይሱ ዲብን ፍርሰት እንረክብ ደል ሐቱ ህይ እንዴ አተፈግነ ነአጅር ወዲብ መሓዝ ዐንሰበ ከርዳነ ወእባህን ለአቀብሎ። እሊ ህይ ጋርክ እብ ጋር ፍገሩቱ እንዴኢኮን ምን እሊ አካን እሊ አሰክ ርኩብ እብ 200ቱ ለእንሳፍር። ምን መዋሰላት ወለዐል ላኪን ለዐቤት ዲብን ጋሪት እትሳላት ቱ።

ሰአል፦ ጣሕረ ርኤናህ ምንገብእ መሓዝት ዐባዩ እንዴ ሻገዩ ለለሐልፍ መንጠቀትተ ከሐርሰ ከአፎ ትወዱ?

በሊሱ፦ ወላሂ አማንካቱ። ምን እንክር ጣሕረ ጸዕደ ደል እንመጸ

መሓዝ ጃርቦ ህሊ እግሉ፡ ወምንኬን እብ ሐዲስ ሮማይ ህሊ ወአሰማዋ አውሑ ህሊ፡ እሊ ክሉ መሓዝት ዐባዩቱ ዲብ ዐንሰበ ለልሐርምቱ፡ እብ አብ ዓምር ደል እመጽእ ክርካራይ ህሊ ወናሱ መሓዝ አብ ዓምር ህሊ፡ ወክልኦት ተወልክ ህሊው ቲሉክ ዐቢ ወቲሉክ ቀቲን እሉምመ እብ ጣሕረ እንዴ ሐርመው ኬን ለገይሱ፡ ወእብ ብርጅጊ ደል እንመጽእ ናሱ መሓዝ ብርጅጊ ህሊ ወክልኦት መሓዝት ምስማር ህሊው፡ ወእብ እንክር ናይ ጣሕረ ጸሊም ደል እንመጽእ ናሱ ደዕርታይ ህሊ፡ ከመሓዝ ደውደው ህሊ፡ ከቀጠር ህሊ ወሸኸክ ህሊ፡ ክልኤ እምምህንጋታት ህሊ፡ ወእብ ክሰረት መሓዝ ክሰረት ህሊ እሊ መሓዝት ዐባዩ ክሉ መሓዝ ዐንሰበ ለልኦቱ።

ላኪን መጅተመዕነ ዲብ ርዕዮ ለህሊ እግል ለአስተፊድ ምን ኢቀድረ። እሊ እንዴ ጃረፍካሁ ሕፍዘት ናይ ማይ ወትርበት እንዴ ገብእ እሉ ቅዋረቱ ዐንሰበ ለእትብጽሕ ወገብእ ዐለ። ላኪን እሊ ሚ ለአመጽኡ ምን ክላል



አሰይድ መሐመድ-ዐሊ ሓምድ

በዲር ደል ተአጃግሩ፡ አነ ክም አሳሰ ዲብ መዲነት አቁርዳት ትወለድኩ፡ ዐጃ፡ ዘጋዩ ወአሳሰይ ላኪን ክሉ ዲብ መንጠቀት ጣሕረቱ ለዐለ። አናመ ይዐሬቡ እንዲኮን ጣሕረ ቃብት ዐለት። ለዕጩዩ ቀን፡ ዐቅባህ ወገርሳህ ደል ትርኤ እብ ጠቢዓት ተሐዩ ዐለት። ነፈር እንዴ ትፈረረ ደል ለዐይር እብ ዕጩይ እንዴ ትጸበጠ ልባሱ እንዴ ትሻረመ ምን ለዐይር ዐለ ልብሉነ ዐለው አበውኩ። ዮም ትርእዩ እንዴ ህሌክ ላኪን ለዕጩይ ኢህሊ በድ። ዲብ ንዋይ ደል እንርኤ ህይ ንዋይመ ኢህሊ በድ። ዲብ ሐርሰ ርኤነ



ዕልም እግል ልግባእ ህሌት እሉ። ከምስልሁመ ተጃርብ ናይ ሐርሰ ወለመድ እግል ለህሌ ህሊ እሉ። እትለ መንጠቀትነ ክመ ምን በዲር ምን አበውነ ለጸንሐነ ለአዳም ለአካን እግል ናሰእ አሓሁ እግል ለሐርሰ ኢጸንሐ። ሰበት እሊ፡ ለለመድ ኢትጠወረ እንዴኢኮን መሓዝት ህሊ። እት መሓዝ ዐንሰበ ለልኦቱ ወዕጩይ ህሊ እሊ ክም ገርሰ ለመስል አሰክ አዜ እግል ልትሐፈዝ ለወጀቡ። ከእሊ አርዛቅ እሊ እንዴ ደረሰ ዋጅብ እንዴ ገብእ እሉ እግል ልትከምከም እቱ ምስል ውዛረት ሐርሰ ሁግደም እቱ ዐልኩ ሕፍዘት ትርበት ወማይ ወሻርዮት እግል ልግባእ። እብ አሳሱ እብ ምዴርዮት በርናምጅ ህይብ ህሊ እግል ልትሸቁ። ሰበት እሊ ምን አዜ ወሐር እንዴኢኮን ቀይም አዜ እብ ለጸንሐ ለመድቱ እንገይሱ ለጸንሐነ። ወእሊ መሓዝትነ ዲብ ዐንሰበ እንዴ አተ ደልተ ናይ ቶከር ሰትዩ ህሌት።

ምንገብእ ላኪን ዮም ትጠወረ ወልትከደም ህሊ። እግልሚ ምን በኮትክ ለህላቱ ለደርሱ።

መሸርዕ ምን እንርኤ ጅዙእ ናይ ቅብለት በሐር ቀዩሕ ቶም ለልሐርሰ ዲብ ወጀዙእ ናይ ናይ አቅሊም ጋሽ-በርክ ናይ ደዋሐ ጣሕረ ቶም ለልሐርሰ ዲብ። ለአዳም ህይ ምናም እንዴ ረአቱ ለልሐርሰ። ዲብ ጃርቆ ደል እንርኤ ለሐርሰ እንዴ ልትአታቱ ወለአዳም ሐርሰ እንዴ ለምድ ወንዮቱ እት ሐርሰ እንዴ ትዘይድ ገይሱ ህሌት።

ሰአል፦ አሰይድ መሐመድ-ዐሊ እት ደንበበ እብላ መናሰበት ለትብላ ምን ተህሊ?

በሊሱ፦ ሰልፍ ባረከላህ ፊኩም እሊ ፍርሰት እሊ ለሀብከኒ አሰይድ መሐመድ እድረሰ። እሊ ክሉ እምብሉ ለዐልነ እግል ትክሰሰ ጀህት እግል ልብጸሐ። እግልሚ መጅተማዕቱ ወሐቅ ምን ሕቁቁቱ። ወእሊ ለንቤሉ እግል ልትወረር እሉ ወእንቱም ክም ውዛረት አዕላም እብ ለብኩምቱ ወሳኦል እንዴ ወዴኩም እት ለትክሰሰ ጀህት እግል ተአብጽሐ እግልነ እትወሰኔ ወሽክረን።

ሰአል፦ ግረ እንዴ አቅብልነ በዲር ጣሕረ ወሸዐበ ከአፎ ዐለው እግል ኒባል እንቀድር?


በሊሱ፦ ክመ እግል ትቤ ናይ



ልጅ ስልጣን መግባት 60 ታት

ሰው-ረት ኤረትሮፕ እትላ ናይ ስልጣን መግባት ግድለ ስለሕዝብ ዲብ 60 ታት ፍንጌ ምናድሊን ሰው-ረት ወጃሽ ኣባይ ገብእ ለወላ መግባት ምን ምናድሊ ህይለስላሴ ወልዱ ለከትብዩ ክታብ ዐዋቲ ለትነሰኣቲ።

ከእግል ዮም 10ይ ክፋል



መዐረከት ኣዳርህንጅር 9 ጃንዋሪ 1962

ከረ ሓምድ ከራር ኣድም ክም ትፈንት ምናም ምል ኣተው። እለ ዶል ኣላመ ለመጽኣት ትምጽኢ ሌጠ ዐለ ፍክሮም። እት ምግብ ቢሽ ወኪሩ ሳልሰ ዶል ከዋ ተለፎን እንዴ በትክው ደብር ኣዳርህንጅር ፈግረው ከዲቡ ተሐበዐው። እለ ህዩ ዝደደት ለትኣትቫቅል ዛህረት ገብኣት። እብ ጀህት ብዕደት ላኪን። እተዩ ባካት ክም ህለው ለትኣክድ ሐብሬ ሳብተት።

ለምን ቀዳምም እብ ከሉ እትጅሃት እት ክርፋህም ክስኣም ለዐለው ዐሳክር። ልክትት ተሐላላፊት እቶም። ኣርትክ ምን ዐለዩ እትጅህ ኣስክ በላግንደ ወደዉ ወጊማም ሰኒ ጸንሐ። እግል ሓምድ ምስል ጅማዐቲ እንዴ ኣጭበበው እግል ልከርዳኖም በክት ረክበው።

ሓምድ፡ እግል ዎሮት እት ደብር ለረክበም ወድ-ድላመጅ፡ ሰላዲ እንዴ ሀበዩ ወለፍ እግል ለኣምጽኦም ለኣክዩ። ለሸበቢ እግል ኢልትራኤ እብ መሓብዕት ለብእተ ገበይ ግልብ እግል ሊጊሰ ሕቡሩ እት እንቲ። ተቃርብ ጀላብ እግል ትግበእ እሉ እብ ኣካን ቅልዕት ትክረ። እት ድካን እቲ ክም ቤለ ህዩ። ምን ትብገሰ ምን ኣካን እብ ክቫፊት ታብዕው ለጸንሐው ዐሳክር። ኣብጠረው። “ምን ኣዩ መጽኣኪ።” ቤለው እት ለኣትፋርህው። ለሸበቢ ላኪን ኤማኑ ኢትሰለበ እሎም። “ኣነ በዐል እንሰ ኣኑ፡ ገመል ሰበት በደ ምንዩ እሉ ሐዜ ዐልኪ።” “ኣዜ ምን ሎሂ ደብር ኢትክሬክ፡ ወእግል ሚ ፋግሩ ዐልኪ...” “ገመል ሰበት በደ ምንዩ፡ እት ኣካን ውቅል እንዴ ገብኣት እግል

ኣትቃምት እንዴ እቤ ቱ” ቤሎም ብዙሕ ለተዕበ እት መሰል።

ለዐሳክር ላኪን ከሉ ረኣሱ እግል ልእምኑ ኢቀድረው። ህግደህ ኣማን ክም ይህሉት ሰበት ቀዩመው። እተ ባካት ከበር ከረ ሓምድ ራክባም ሰበት ዐለው ምናም ለትለኣክ እግል ልግበእ ቀድር እት ልብሎ ትሸክከው ወሰኣላት ብዙሕ ወደው ዲቡ። በሊሱ ሰበት ይኣተግከዐዮም ህዩ እንዴ ፈተሸው። ዝደደት ሰኣላት ወለት-ገበይ እግል ልትሳኦሉ ለዳርኹም፡ ግሩሽ ወክረጠት ረክበው ምስሉ። እብሊ ህዩ ለሸክተም እንዴ ዜደ። “እንተ ልኡክ ሓምድ እንተ” እት ልብሎ። እብ ዝገባዎ እኪት ኣግነሐው። እናሰ ክም ትቫወ። ለዝገባዎ እግል ልክህሉ ኢቀድረ። ለኣመ እሎም። “እግልዩ ኢትዛብጠቲ፡ ሓምድ ሐዜኩም ምን ገብእ፡ እት ሎሂ ደብር ጊሰው፡ እቲ እግል ልጽካሐኩም ቱ” ቤለዮም።

ምሴ ውድቀት ጸሓይ ዐሉ፡ ዐሳክር ኣባይ እብ ክልኣት እንክር እት ደብር ኣዳርህንጅር ዐሸለው። ዋርድዮት ለዐለ ህዳል ሸላል። ክርን ሰበት ሰምዐ፡ እቅምት ምን ኣበሉ፡ ኣባይ እት ሰምጠ። ህቲ እንዴ ኢሊሐብር፡ ኣኑር ሐጃጅ መንተብህ ወመትሸክክ ቱ ለዐለ፡ ለዶል ለሃመ ህመል ሰበት ኢጸንሐ። እስልፍ ረኣዮም። “ምድር ፖሊሰ ትዘረኣው ዲቡ” እት ልብል ተህራህረ።

ሓምድ ክል-ዶል እብ ቀደም ለመጽኡ ኣባይ ኢፈርህ። ህቲ ለልኣሰፍ ወለኣፈርህ፡ እብ ግረ እንዴ ሐልፊ ለልህግት ወዘብዋ ለፈቲሕ ኣባይ ቱ። “እሎም እንርእዮም ለህሉኑ ሌጠ ኢኮን መጽኡኑ ለህለው። ግረ ኣቅምቶ። ቅወት ብዕደትመ እግል ተህሌ እሎም ትቀድር” ቤለዮም እግል መልህዮም ምን ሀመሌ እግል ልትደገገ። ኢትኣክረው። ክምሰለ ለቤለዩ እብ ግራህም መ ኣተው ዲባም። ለክፍ ኣንበተ፡ ሓምድ ህዩ ከሳር እግል ኢትሳድፎም ኬን ወእንሰር እት ልትገናቤ። “ኢትትፈንጠር፡ ሕድ ኣትቃምቶ፡ እግል ሕድ ሕሰቡ።” እት ልብል ኣማውሩ ኣሰደረ። ህግደህ ምስጠር ጸብጠት ዐለት። “ኢትትፈንጠር በህለት፡ ኣንሰሕቦ በህለት ተ። ክም እለ ተዋልል ሳድፎም እት ህለ ለልትህዩም ኣማውር እብ ድዱ ልተርጀብ እት መደት ለህ።

ሓምድ ዐዋቲ እግል ኖሱ እት ወዴጋይ ንኡሽ ሳትር ጸብጠ። እግል እድሪስ መሕመድ ብለቅ እት ዐለ ዲብ ኣካን ውቅል ሳትር ክም ጸብጠ ወደዩ። ክልኢቶም ህዩ፡ መልህዮምም እንዴ

ኢልትኣዘው ጀላብ እግል ለኣንሰሕቡ፡ ረኣሰ ለኢለኣረፊዕ ዘብዋ ኣንበተው። ክምሰለ ለሐዘዋ መ ምን ኣባዮም ሸበህ እንዴ ሰው ትጃቀቀው። ዕንክለት እንዴ ተዐርረው፡ ገጽ ኬነ ልትህንፈው እት ህለው፡ ዐሳክር ብዕዳም ትቃበለም። ኣኑር ሐጃጅ እስልፍ ክልኤ ጠልገት ሰበት ለክፈ ላኪን፡ ረኣሰም ሰበት ሐብዐው ምናም፡ ኣሰክ ዋረ ትክረው።

እብለን ክልኤ ጠልገት ህቶም ሌጠ ኢኮን ለፈግረው። ከረ ሓምድመ እምበል ለገብእ መታክል እብ ጅማዐቶም እግል ለዐሩ በክት ረክበው። ክሎም ሕድ እት ጋንሐ ወለዐቅቦ ህዩ እበን ወዕጨይ እት ለኣትሐጉ መሳፊት ረደም ሄረረው። ምናተ እግል ልትሐብዮ ኢቀድረው። እብ ሐዲሰ መናዳቅ እንዴ ዐመረው ስጋደት እት ፈግሮ፡ ብዕዳም ዐሳክር ከርፈዎም ወፈንጥር ገብኣው። እስልፍ ዘብዋ ለጠለቀው ፖሊሰ ዐለው። እተ ዶል ለኢትምሕክ ጠልገት ለዘብጠቲ እብራሂም መሐመድ ሰኒ (ወድ ዐድ-ኩሉ) እንዴ ኢልትፋኔ እታህ ኣሰተሸህደ።

እብራሂም ክም ኣሰተሸህደ፡ ሕኔት ሕድ እት ተዐቅብ ተኣንሰሕቡ፡ ኣርትክ



ነፈፍር እበን እት ገርቡ ትዘረኣ። ምን ገርቡ ኣድማይ ልትክዳ ምንመ ዐሉ፡ ብሩድ እት እንቲ ዘብጠ፡ ሰበት ዐሉ፡ ኣዘ ብዙሕ ኢወደ እቲ። ሕጽሕጽ ቱ ዛብጠ፡ ለዐለ። ምናም ሰኒ ክም ኣፊመ፡ ግድም ለልዕሬኒ ኣለቡ እንዴ ቤለ ክም ኣተድሐኑ። እግል ልትክቀብ ለመሰለ እቲ ፈለልም እበን እብ መንቀብ ኣትፋገሪዮ ምን።


ሓምድ፡ በይኑ ጀፈር ጀፈር ልትሓይ፡ ህቲመ ምን ከርዶን እግል ልድሐን ላዝም መወቀል እንዴ ፈግረ ገጽ ኬን እግል ልትህንፈ ምናም ወጅቡ ዐለ። ህቲመ ዐሳክር ሰበት ረኣው ዋለግ ከሸሐው ዲቡ። ኢትሰሐታመ። ገሌ ክፋል ገርቡ እብ ደም ትጀልገደ። እዴ ገለቡ እንዴ ትዘበጠት እት ትትህንበል ምን ሸዐረ

እድሪስ ረኣዩ። “ጅርሕ ህሉኑ” እት ልብል እት ለሐብሩ፡ እግል ኢልኡደጉ ወተቅዋዮት ለክፍ እግል ሊዴ እሉ ኣሸረ እሉ። እድሪስ ድንግጽ ቤለ ከዲቡ እግል ለኣቅብል ክም ሐዜ፡ እብ ቅራር ወድቀ። ኢትኣዘ ወላመ ውድቀት ይኣኪት፡ እብ ሰበተ ደሐኑ። እባህ ህዩ እግል ቅራር ክም ሳትር እንዴ ትነፈዐ እቡ መንዳቅ እንዴ ወጀህ፡ እግል እግል ለዐርዮም ልሰዴ ለዐለ ዐሰከሪ ቅርድ እዝኑ ህፍተ እቲ። ክምሰለ ጠሊት እት ልንእር ገጽ ግረ ተንቀለ።

ሐቆ እለ ዐሳክር ሰዐዮም ሸበህ እንዴ በርደው ምን፡ “ረክበዩ! ረክበዩ!” ትበህለው ከለዋድቅ ዐለ መልህዮም እግል ልርድኦ ጊሰው። እግል ኖሳመ ጸሓይ እንዴ ወድቀት ምድር ሰበት ዐወድወደ፡ ለመዕረከት በዋረት ወግረፈት።

ሓምድ እግል እድሪስ መሕመድ ወእግል እተ ባካቲ ለዐለ ኣድም ኣብሐሊመ። “ተሐት እንዴ ትከሬኩም ጽንሐኒ” ቤለዮም ከእግል ለኣትቃምት ኣንበተ። ህቶም ክምሰለ እለ ትበህለው ተሐት እንዴ ትክረው። እተ ለሐብደም እበን እንዴ ትጋሰው ልታክው እት ህለው። ሓምድ ምን ገበዩ ሰበት ሸክፈ ሐልፊዮም ከትክረ ወዲብ ሕጽርት ለዐለት ገርህት ኣተ። እትላ ገርህት ምስል ኣርት ከማል ለልቡሉ እት ወድን እክሉ ወቄዕ ለዐለ ሸበቢ ወድ ኣልገዳን ትዋጅህ። ከማል ምስል ዕዶሉ ረኣሰ ገርህቲ ኣቲ ዐለ። ጅርሕ ክም ረኣዩ ሰኒ ኣርሐመዩ። እተ ዶሉ ጠሊት እንዴ ሐርደ እሉ። ማይ እት ሀወት እንዴ ወደ፡ እግል ሓምድ እት ኣድግ ጸዕነዩ፡ ከኣዳም እንዴ ኢልርእዩ እተ ላሊህ ኣሰክ ደብር ኤሊት ብልቲብዶይ ፈግረ እቡ። ኣርበዕ ምዕል ጸልዐቲ እት ሰፍፍ እሉ ራዐዩ።

ግንድፍል ወወድ እድሪስ ዐለ በኪት ለልትበህል ምን በዲሮም ጦፍ ልኣካምም ሰበት ጸንሐው። ኣሰክ ኣካኖም እት ለኣቀብሎ፡ መዐረከት ኣዳርህንጅር እንብትት ጸንሐቶም። እንዴ ኢደሉ ህዩ እተ ምግብለ መዐረከት ኣትደም ዐለው። መንዳቅ ግንድፍል ለሰጠር ኣፋህ ዐለ። ለዎሮት ህዩ እዳህ እብ ብራቀ በትራይ። እብሊ ሰበ እለ፡ ለመዐረከት ክም ኣሰተብዴት ምን ዐለ እተ ኣካን ተወዝ ኢወደው። ዐሳክር ኣባይ እግል መልህዮምም እግል ለሃጅሞ ስጋደት ክም ኣተንከበው። ገጸም ግረ ሰከው። ሐቆህ ምስልመ ይሄረረው ትፈናተው። ግንድፍል እግል ሓምድ ምስል ከማል ረክብ እት ህሉ፡ ለህይ ህዩ እባህ በደ።



ዐደድ ሐሊቱ ተረግ እብ ሰከይ ቤለ። ፖሊሰ መግውያት ሰበት ረክበው “ጽበጠ! ጽብጠ” እት ልትሰህሉ። ደርዐም ሰው። ርኤኒ-ርኤኒ እት ልብሎ ለክፈው እቶም። እድሪስ መሕመድ እት ኣኪት ውቅል ፈግሮ ክም ረኣው ምን ጠለቀው እቲ መጃማዕ ዋለግ፡ ጠልገት ሐቲ መጽወርለ ራፍዐ ለዐለ ሸንጠት ጠግ ኣበለት ምን። ህቲዲ ሐቲመ ኢገብኣ። ታክለቲ ለዐለት ሸንጠት ላኪን ምን መሸንገሉ ኣርድ ሸወጠት። እንዴ ሐድገዩ ገበዩ እግል ልጭረም ምን ሐዜ፡ ላኪን ዋለግ ሰበት ዐለ ዲብ ኤማን እንዴ ወደ እግል ልኡደገ ኢሐዜ። ትወለበ ዲብ ከእንዴ ሸትፈዩ እብ ሰዐይ ድማን ወድገለብ እት ለህጽፍ እቡ፡ ገበይ-ፈጊሩ ኣተላለ። እት ኣሰዕር ዎሮት ሰበት ትሸረበ ህዩ ምን ኣባይ ተሐበዐ። እላመ ለትኣትፋግሩ ኢዐለት። እግል ልድሐን ገብኣ ምን ገብእ፡ እት ስጋደት ብዕደት መዐደይ ኬን እግል ልትዕዴ ዐለት እሉ። እብ ኤማን እብ ሸፋግ እት ልሰዴ ኣሰክ ስጋደት ሐቲ ትወጀህ። እተ ዶል ሰልፍ ሰበት ኣትሀመለዮም ኢረኣው። እተ ርሸመትለ ዕንክለት ክምፈግረ ላኪን፡ እብ ተማመ ሰበት ትረኣዮም፡ ኣሰክ ብሬን ለብእቲ ዋለግ ብዙሕ ከሸሐው እቲ። ዋለግ ለህበጠዩ

እቡ። ለምጅርሐ እብ ሸልቲት እንዴ ኣሰረዩ ክዜፍ እግል ለኣብጥር ምናመ ኢቀድረ። ምናተ እታህ ኢብዋረ። ክምሰል ትጀረሐ ለኣመረው ዐሳክር፡ “ኢትልከፍ! ጽበጠ፡ ጽበጠ፡ ነዐ!” እት ልትሰህሉ። ህቲ ጽራት መንዳቅ ሰእን እት እንቲ። ገጽ ቀደም ጊሰ። እት ገደሰ ህዩ እግል ኣኑር ሐጃጅ ዐረ እቡ። ዋለግ ህዩ ድማኖም ወድገለዎም ቱ ልትኣካን ወእተ ሰምጥ እገርም ዘብዋ ከለኣታን። እብ ረኣሰም ወሰምጦም ልትሓልፍ። በዋረው ምን ገብእ እግል ኢሊሙቶ ሰበት ፈርህው። ሰዐዮም ኣተላለው። ኣኑር እት መሬሕ ውሓምድ እት ተሌ ሰኩ እት ህለው። ኣኑር እት ኣሸዋክ ሰበት ኣተ፡ እደዩ ተሐናዘገ ምን ከደም ጀረፍ ለኣብል ዐለ። ህቲ ኖሱ ለትጀረሐ ሰበት መሰለ እቲ። እግል ቀደምምም ለዐለ እድሪስ ክም ረኣ። “እድሪሱ እድሪስ ነዐ ኢትሕደገ። ሓምድ ወኣኑ ክልኢትን ጅርሓም ህሉን” ቤለ ከንቅመዩ። ሐቆህ ላኪን ኢትረኣዮም፡ ምናም እንዴ ትፈንተ እተዩ ክም ኣለወጠ ኢትኣመረ። “ለዐሳክር እት ሓምድ ዲብ ልሸእጎ ክም መጽኣው፡ መሰደሱ ዐመረ። እግል ለዐሩ እቡ ቅሩባዩ ክም በጽሐው፡ ህቲመ እግል



1. Hasan Adem Omer 5/8/1966 Ad Sheikh
2. Mohammed Abdalla Ali Osman 5/8/1966 Ad Sheikh
3. Mahmoud Ibrahim Ali Bakhit 5/8/1966 Ad Sheikh



ተዕሊም ቀደም ክሉ

አሰይደ መርየም መሐሙድ ዐብደሉ፡ እት 1992 እት ገለብ ትወለደት። ምን አወላይ አሰክ ሳልሳይ እት መድረሰት ወንጌላዊት ከረን ደርሰት። ምን ራብዓይ አሰክ 11 እት መድረሰት ሸረድ ሸከር ካብረሃም ወሐቀሁ እት 23ይት ደውረት ክድመት ወጠን እት 2009 ሳወ ትከራት። ናይ ዲግሪ ንቅጠት ምን አምጸአት እት ዐዲ ቀይሕ ኮሌጅ ዕልም እጅጉማዕየት ኣርክዮሎጂ ወኣንትሮፖሎጂ (ዕልም ኣሳር ወኣዳም) ደርሰት ከኡብ ዲግሪ ትደሐረት ወሐቀሁ እት ገለብ መዐልመት እንዴ ገብአት ክልኤ ሰነት ሐቀለ ኣድረሰት እት 2017 እት ኣቅሊም ዐንሰበ ዲብ ቅሰም ዓዳት ወርያደት እት ፈሬዕ ዓዳት ናይ ዶሎ መስኦላት እንዴ ገአት ትሸቁ ሀሌት።

መድረሰት ምን ኣንበተት አሰክ ሳወ ትክሬ። ጃእከት ሓልፈተ ኢትን አወላይት ወናይ ዩኒት ትፈግር ዐለት። ዋልዳነ ዳርሳም ምንመ ኢትን እግል ድራሰት አውለውየት ለሀዩበ ዐለው ወእት ሐያተ ሐቲ ምዕል “እለ ውደይ እኩ። ዮምዲ ምን መድረሰት ወዐሊ ብህላመ ኢለአም። ካልእ ደረጃት እግል ተአትምም ወክድመት ወጠነ እግል ቲዴ ብጋሰት አሰክ ሳወ ክም መጽአትመ ሐር-ሐር ለቤለ ምናም አለቡ እብ ሰኔት አትብገሰው። ኮሌጅ ክም አቲትመ ሐሀ ምዕባዩ ክለ ለተሐዘዩ ዲብ ለአተምም እለ ተዕሊመ አትመመት። አማንተ ብዘሓት ሀለዩ ዋልዳነን ጊሰት ሳወ እንዴ ኢረደው እለን እት ዐድ ለተርፈ አው ዲብ ህዳይ ለልትሸፈገ። አውመ እብ ናሰን ሀይ ምን ጊሰት ሳወ ለፈረሀ፡ መርየም ላኪን ለአዋልድ ምን ቃብል ፈረሃህ ሳወ፡ ሐቲ እኪት ወሰድት ኢረኤት እተ፡ እግልሚ ክም ትፈረሀመ ኢተአመረት እለ። እግል ሳወ፡ ክለ ሐያተ ለቀየረት ኣካን ዕልም ተ። ምን ቤት እት መድረሰት ሌጠ ለዐለት ተጅርብተ ምን ክለ ኤራትርዩ ምሰለ መጽአ ሐዋተ ተአመረት። ምሰል ብዘሓም ከአፎ ተዐይቩ። ርሕክ እንዴ መለክክ ለነፈሰክ መካይድ ከአፎ ትቃሌ አመረት። እብ ረአይ አሰይደ መርየም ንቃዋ አምጽእ ወኢተምጽእ ሳወ መትከራይ ሌጠ እት ሐያትክ ተቅዩር ዐቢቲ። እት ርሕክ ደማንት እግል ተሀሌ እክ ወመርብይ መሰተቅብልክ እግል ትሸክል ትሰዴክ።

መርየም ሳወ እት ትብገሰ ንኢሸ ሰበት ዐለት እግል እመ “እለ ከፎ ትሳርሕዩ ሀሌኪ እብ መሃዩ እግል ትቅደርቲ” ለልብላህ አንሰ ሐዳት ዩዐለዩ። ህተ ላኪን “ከምን ትገይሰ ሚ ትገብእ ሰናታተን ማሚ ለገይሰ ሀለዩ” ትብለን ዐለት ድኢትን እበ ህግያህን ርቅ እንዴ አተዩ ምን ሳርሐተ ኢፈርህት። እት

መድረሰት ፈጻሚት ሰበት ዐለት እት ነጃሐተ ሸክ ዩዐለ እለ፡ ደአም ቀልብ ረቢ ገአ ከዐውቲ ወለተ እግል ትርኤ ዕምር ኢረክበት ለዋልዳይት፡ ክልኤት ወሬሕ ግረ ብጋሰተ አሰክ ሳወ ትረሐመት። አቡሀ ወሐወ ምን መድረሰተ እግል ኢትትዐንቀፍ እንዴ ቤለው አሰክ እንዴ አትመመት ተአቀብል ወፋት እመ ሰትረወ ምን። “አምዬ እት ቤተ ትጸነሐኒ ሀሌት” እት ትብል መድረሰተ አትመመት። ምን ሳወ ክም አቅብለትመ አቡሀ “እት ምን ተሐድጊኒ፡ ትገደዕኩ አጀኒት አትዓቢኒ” ኢቤለዩ፡ አሰክ ዐዲቀይሕ እንዴ ደሐረ አትብገሰዩ።

መርየም፡ “አሰክ ኮሌጅ ለሳረሐውኒ እንዴ ረትዐው ኢትን፡ እግል እትዐለም ወመሰተቅብልዬ እግል እብኔ ምን ሐዘውኒ ድኢትን። ክም ትከረጅትመ እግሎም ወዳክወ አለብዬ፡ ተሀዳኮ ወለድት፡ እም ሰለሰ ሀሌኮ ወራብዕ እት ገበይ ሀሌ፡ ከኡብሊ እት ራዕዮት ዕያል ናቼ ገብአኮ ምናም። ህተም ላኪን ኣነ ርሕዬ እንዴ ቀደርኮ ልርኡኒ እት ሀለው ተዕብቶም ፍሬ ምን ሀብቶም እግል ጋንዓም ቶም” ትብል።

መርየም ዮም እም ሰለሰ ጅናተ፡ ፋሬትመ ኢትን ዐምሳት ወለደ ሀሌት፡ ደአም እት መሀረጃን ኤራትርዩ 2023 ትሻርክ ለዐለት መጅመ-ዐት አቅሊም ዐንሰበ ምን ታብዕ ልጃን ሰበት ዐለት፡ እት አሰመረ እግል ተአሰንብት ዐለት እለ። ለሰለሰ ጅናህ ምሰል

አምሴ ዶልመ ቤት እንዴ ዩአቲ እግል እውዐል ትቀሰበኒ፡ ህቲ አዩ በዳኪ ኢትን ለልብለኒ፡ ነፍሰኪ ዕርፍ ሄቡ፡ ኢትትገድዲ ሕሳብኪ ውደይቲ ለልብለኒ። ነዐልቼመ ሀይ እግል አጀኒቼ ክም እጥም ሰበት ትራዕዮም፡ ግራዬ ሳክበትተ፡ ክልዶል እት ሸቅል ሰበት ሀሌኮ ለጸርዬ ጅነ በኬ ወሐዳር ልታኪ ብዬ ኢመሰሎም። እለ ሀይ ለልፍህመኒ ወለሰዳኒ ሸሪክ ሐያት ወኣቃርብ ምን ረከብቡቲ” እት ትብል ወሰከት።

መርየም እት ሸቅለ እንዴ ወዐለት ቤተ ክም አቲት ናቅሰት ለሀሌት ወራት ቤት ላሊ እንዴ አምሴት ልግበእ ወአሰቡሕ እንዴ አግወሐት ተአተምመ። ሰነብት አምዳላት ዕርፍ ምንመ ገበአ ናይ ሳምን ሸቅል ቤት ለተአሰልዋ እተን አምዳላት ተን። ሐራሰ እንዴ ገአት እት ዐራት ለሀሌት ዲብ ምን ኢገብእ፡ ለገብእ ሸቅል ምን ለሀሌ ኣነ ኢትገብእ እዩ እም ጅነ ኣነ እንዴ ትቤ ለተሓልፎ ዳይ እግል ለሀሌ ኢተሐዘ። ሐሊብ እም እግል ጅነ ልትዓደለ ለአለበ መካት ክምቲ ሰበት ተአምር ክምተአጠቤ ትጸገም። ቤተ ምን መክተብ ብዘሕ ረያም ምንኢገብአት፡ ምን ሸቅል እት ትመጽእ ጅናህ ተአጠቤ ወተቀብል።

እትሊ ወክድ እለ ብዘሓት አንሳት ልትዐለመ ወምህነት መልክ ሀለዩ፡ ህዳይ ወውላድ ክም መጽአ ላኪን 12-16 ሰነት ለተዐበዩ ዲቡ ምህር ወምህነት ውላደን ጸብዋ

ክሉ እግል ልትዐለም ብኢቲ፡ ላኪን ሀይ ተዕሊም ቡ ሐያት እግል ልቀይር ኢቀድር፡ አመርክ በህለት ወዳክ በህለት ኢትን፡ እት ዐመል እግል ተአርእዩ ብክ እንዴ ትቤ ሰበት ተአምን መርየም፡ አንሳት ወክሉ መጅተመዕ እት ፍክሩ ተቅዩር እግል ለአምጽእ ሐድ ቅድረተ ትጸገም። ምሰል መሓብር ወጠን አዋልድ አንሳት ወሸባብ እት አዳላይ መሓደራት ወአትፋብዕ ትትዓወን። ሸቅል ክም ዴማት እተይ ሌጠ እግል ልትረኤ አለቡ። አማንተ እተይ ምን ሀበኒ ለአድሕን። ለፍራረት ሀይ ሐንገል ተአፈይሕ፡ ተጃርብ ተዓቤ ወበዐል ሰህም ትወዳ። እት ሸቅል መትፈራር ወ ሀለዮት ሌግመ ሀይ ካፊ ኢትን እግል ተአርኤ ወተአሰምዕ ወቀይክ እቡ እግል ትትሌሌ እግል ትቅደርብ ክሰሰን አንሳይት። ክምሰልሁ እግል ቲዴ ሀይ በታካት እግል ተሀሌ እለ ብኢቲ ሌጠ እንዴ ኢገብእ መቅሬሕ ሰኒ ወብሰር ዝሞት ወቅት እግል ትጠውር ብኢተ፡ ለልሰሕብ መስኦልዮት ብዘሕ ሰበት ገብአ ናይ መትዓጻፍ ወመትግባብ ቀድረ እግል ተትሐሰሰዮ ብኢተ።

ለመርየም ሀሌት እቲ ቅሰም ዓዳት ወርያደት ፈሬዕ ዓዳት እብ ክሰሰ ለልተምተም ወኢልተምተም ዓዳት ድራሳት ወዳ፡ እግል መሀረጃን ወዳያድ ወጠን ለገብእ መዳሊት ነዘም። እለ እበ አንፋር መክተብ ሌጠ ኢተምም፡ እት ሐንቴሁ ብዘሓት



ቅሩብ ልትፋሀመ ምን ገብአዩ ድኢትን፡ ምሰለ ሀሌት እነ ሕዴ አንፋር ወግድዐት ሚዛንዩት ላሊ ወአምዕል እንዴ ሸቁናመ ወኢተዐወትን ለልብል ረአይ ብኢተ መርየም።

እት ደንገበ ሐምምዲህ ትብጽሐም ለትፈቲ ጅሃት ክም ሀለው ሐበረተነ ከትቤ፡ “ሰልፍ ክሉ እግል አሰይድ ሰራጅ ሐጂ መስኦል ቅሰም ዓዳት ወርያደት ናይ አቅሊም ዐንሰበ ወበዐል መንበር ለጅነት መመቅረሓይት ለጅነት ዓዳት እግል ሐምድ እፈቲ፡ ዲብ ክሉ ሸቅልን ሰበት ሰዳኒ። ለዓሊት ለጅነት ወአግደ ለሰብ መንበር ናይለ ልጃን ለብዘሓት ወአንፋርም ሐምድ። እግልሚ፡ ለሸቅል እበዩ ልትዐወት ምን ኢገብእ ኣነ እለ ሰንዐት ፍላን ኢገብአት እዩ ምንገብእ ከፎ እሸቁ ኢልብሎ። ወክደም፡ ነሐርም ወማሎም እንዴ ኢጠምየ ሸቁ፡ ወቀዮም እብ ማል ኢልትቀየሱ፡ እሎም ለነባሪ ወዓዳት ቅምደት እትሊ መሀረጃን ለአቀርቦ ለሀለው ለዓዳቶም እግል ልንበር ወእት ታርፊ እግል ልሕለፍ ደፍዕም ለሀለው ዐውል መቀየሲ አለብዬ እለ፡ እብ ዓመት እግል ክሎም ሐምድ” ትቤ።

እብ ፍንቲይ አንሳት ዕያል፡ ዳር ወሐዳር ለጠልዮ ምንን ወክድ ወሐለት እንዴ ከሀለዩ መሀረጃን ምን አገረመዩ ሐመደተን። ዲብ ሰውረት ዎር መሰለሰ ምን ቅዋት ጅብህት ሸዕብየት አንሳት ዐለዩ ልትብህል፡ እት ክሉ መጃል ናይለ ወጠን ላኪን መሸረከተን ምእት ምን ምእት ዐለት እኬመ ዲብ መሀረጃን አክል ናይለ ተብዕንተ፡ ክም ትቤ እግል ፈገር ለፈረሀ “ደአም አዳም ክም አልመድካሁቲ ምን ቤት ክም ኢትፈግር ሐቆ አትአመርካሁ እበ ለአምረክ ከከፎ እግል ልትከብቲ፤ ክም ነሐዘ ናሰነ ገበይ ነአጽብዋ” ቲለተን።

ናይ ደንገበ ፈናህ ሀይ፡ መጅተመዕ ክሉ ምሰል እግል ልትጠውር አፍካሩ እግል ልፍየሕ ገአ ምንገብእ ለአንወድዮ አትፋብዕ እት አንሳት ሌጠ እንዴ ኢትገብእ እግል ክሎም እግል ትግበእ ብኢቲ። አንሳይት በይነ እንዴ ፈዘዐት ለሐሀ ፈዛዐቲ መጦረ ኢገአት ምንገብእ ለነሐዘዮ ተቅዩር እግል ንርከብ ይእንቀድር። ክልለትሀዩብ መሓደራት ክሎም ምሰል ክም ረከብ አው ልትዐለም ኒዴ ለትብል ተ።



አቡሆም ሐድገቶም፡ ጸዋህ ምን ሸቅለ ዩዐንቀፈዩ፡ መስኦልዮት ውላዳ ናሱ ቀድረዩ፡ ወሀተ ምሰል ሐሸም ናይለ አቅሊም ትፈረረት። “አማን ተሐይሰ ዮም አዳም ክም በዲር ኢሀሌ፡ ዐደድ እለ ኢትፍገሪ ወኢትርአይ ወኢትሰምዲ ለልብል ብዘሕ ኢትን።” ለትቤ መርየም ህግያህ እት ተአተላሌ “ምኑ- ዲቡ በዐል ዕያልዬ መምህር ዐብዳ ሐበዲን ሀይ ፍንቲይቲ፡ ጠቢዐትለ ሸቅልዬ ዶል ሰኒ እግል

እለን ምን ኢረክበዩ፡ አብእሰተን ምን ኢረደው እለን አውመ ዐደም ምን ኢሐዘው እት ቤተን ለልትገሰዩ ሀለዩ። እግል እለን መሰለ አንሳት መርየም ለተሀይብ ነሲሐት ምን ተሀሌ አወል ንዩት ሸቅል ዲብ ልበን እግል ተሀሌ ብኢተ። ለእለ ረቅብ እግል ሊደዩ ሀይ በታካትባትካት እግል ልግበአ በን። አንሳይት እብ ክሉ ቀልበ ናሰ ሐቆ ትብገሰት አምረ እንዴ ትቀበረ ክም ኢተርፍቲ ለተአምን።

ክም ናይ በህል ነባሪ፡ ኣላት መሲቃት፡ ሰሰዲት ወትልህዩ፡ ገበይ መንበር፡ መዕረድ . . . ለመሰለ ልጃን ሀለዩ። ለልጃን አትፈረርት፡ ወጀሆት ወለለትሐዘ መሳለጢ ወጀዶት ሀይ ዳይ ናይለ መክተብቲ። ህቲቲ ሀይ ለወክድ ነሰኢ፡ እለመ ለልጃን ወሰብ መንበረን ምን ቤተን፡ ምን ጂብን፡ ምን ወክደን ደለ ነቅሰት እት ለአተመ እብ ንዩት ሸቅዩ ወምሰል ውዛረት ተዕሊም ምን

ሕንዶል እንሰብቱቱ ሕኩመትን ለትሰብቱ!

ሕኩመት ኤረትሮፕ ዲብ ሰነት 1994 በርምግታ ሰርሐ ምናድሊን ተአትብግስ እት ህሌት፡፡ አግደ ጀላብ ሕርየት ለመሰከነው ምሕርቦት እብ መጃሚዕ ሳርሐት፡፡ የም ዲብ ክሉ አርካን ወጠን መአሰሰት ወጠኒያይ መሕበር ምሕርቦት ምስኩናም ሕርብ ኤረትሮፕ ለአለበ መጅብ ይህለ እግል ልትብህል ቀድር፡፡ እሊ ለከሰሰ ምስ መሰሉል መሕበር ወጠን ምሕርቦት ምስኩናም ሕርብ ኤረትሮፕ ዲብ ምዳርየት ስነይ አሰይድ መሐመድኑር ዐሊ ሰዒድ ክምሰልሁ መ እግል መአሰሰት ፍርም ናይለ መሕበር ለከሰሰ ለወዳናህ መቃብለት ህሌት፡፡ አሰልፍ ላኪን አሰይድ መሐመድኑር ዓም ቴለል ናይለ ዲብ ምዳርየት ስነይ ለሀለው አንፋር መሕበር ልትሃጌ ዲብ ህለ እሊ ለተሌ ተውዳሕ ለህይብ፡፡

“ዓም ቴለል መሕበር ወጠን ምሕርቦት ምስኩናም ምዳርየት ተሰነይ ዲብ ሰነት 1994 አሰክ አዜ ምስኩናም ዲብ እሊ ምዳርየት እብ ብዝሐ ህለው፡፡ እሊ ሰብብ እሊ ለገብአ እብ ምዳርየት ስነይ ናይ ሕርሰ አርድ ሰበት ገብአ እግል ልትሳረሐ ክምሰል አምቡተው አርወሐቶም እግል ልቅደር እንዴ ትብህላ ቱ፡፡ አሰክ አዜ ህይ ዲብ ወራታት ሕርሰ ገሌ ሕዳም ህይ ዲብ ወራታት ትጃረት በህለት ጠዋሒን ወአፍራም ለአሰሰው ህለው፡፡ መሕበር ወጠን ምሕርቦት ምስኩናም ህይ እሊም ምስኩናም እሊም አርወሐቶም ጀላብ እግል ልቅደር እብ መጃሚዕ እንዴ ፈናተ መአሰሰት ወደ እሊም፡፡ ክምሰልሁ መ እብ አፍራድ ሐድ ወለድ ለልትደፊዕ እተ ሰልፈት ዲብ ለህይብ ለአትሐደረየም አንፋር መ ህለው፡፡

ለእብ መአሰሰት ትሳረሐው እግል መሰል እብ ጠሐናት ለትሳረሐየ ህለየ ላኪን ምስል ሕዲነ ከህረቦት ወብዕድ መታክል ብዙሕ ኢትሰርገለየ፡፡ ክምሰልሁ መ 13 ለአንፋረ መጅሙዐት ህይ እብ ፍርም ትሳረሐው፡፡ እሊም እብ ፍርም ለትሳረሐው እብ አማን ተዐወተው እግል ልትብህል ቀድር፡፡ ዳናም እንዴ ደናዐው የም ህይ ሚልከት ናይለ መአሰሰት እንዴ ገብአው ለአተላላ ህለው፡፡ ለእብ ብሕተ ለትሳረሐው ህይ ለተዐወተው ህለው፡፡ ለመሕበር ህይ ዲብ ታብም እብ ትሉሉይ በክት ሰልፈት ክምሰል ረክቦ ወዴ ህለ፡፡

ዲብላ ናይ ሕርሰ ረኤነ ምንገብእመ ዲብ መሸርዕ ዐሊግር እብ ክምኩም ለሊሕርሰ እብ መሕበር መታብዕት ለተገብእ እሊም ሐድ 70 ለገበአ ምስኩናም ህለው፡፡ እሊ ህይ ክል ምናም ምርምር ሄክታር እንዴ ተህየቡው እብ ትርዐት ዐሊግር ዲብ ልትነፊዖ ወራታት ሕርሰ ለወዳ ህለው፡፡ እሊም ምስኩናም እሊም ምን ሰነት 2012 እንዴ አሰተብደው እብ ክምኩም ግርህም ልትሐረሰ እሊም፡፡ እሊ ህይ እብ አውለውየት ትራክተራት እግሎም ክምሰል ለሕርሰ ገብአ፡፡

ሰበት እሊ፡ ዓም ለእብሉ ምን ለህሌ ሸዐብነ ዲብ ረኤሰ ምስኩናም

ወሽብደእ ለህለ እሊ ሕሸመት ዐቢ ቱ፡፡ ለትፈናተ ሰዳይት እብ ጀህት ሸዐብ ገብአ፡፡ እሊ ህይ እብ አማን እግል ልትሐመድ ለወጅቡ ቱ፡፡ እግል ምስተቅበልመ እግል ልግበእ ቡ ለልትብህል ምን ለህሌ እሊም ምስኩናም እሊም እግል ሕርየት ወሰያደት ወጠን ቃሊ ገርቦም ለበዘው ሰበት ገብአ ሕኩመት ለትትቀደረ ትወዴ ህሌት፡፡

አማንቱ ክምእለ መሰሉል መሕበር ምስኩናም ምዳርየት ስነይ አሰይድ መሐመድኑር ለበለዩ፡፡ እት ምዳርየት ስነይ እብ ሕርሰ ወብዕድ መአሰሰት ትጃረት አትሐደር ለገብአት እሊም ምስኩናም ብዝሐምቶም፡፡ ምር ምን መአሰሰት እት ቀበት መዲነት ስነይ ለህለ እብ 13 ምስኩናም ለልትመለክ ፎርም ሰሊናቱ፡፡ ክልፍየት ወተጠውር ናይ እሊ ፍርም ሰሊነ እግል ልወድሐ እግልነ ለትሰላልናህም ምሕርቦት ተሰፋ-አለም አልአዛር፡፡ አብሄት ገ/ ሚካኤል ወደባይ አብርሀ ቶም፡፡

ሰልፍ ምናድል ተሰፋ-አለም ክም መሰሉል ናይለ መአሰሰት እንዴ ገብአ ሸቄ ለህላቱ፡፡ ህቱ እት ሰነት 1988 ክም ናይለ ዲብ ክፈል ዴሽ 96 ብርጌድ 49 ትቆመመ፡፡ እት ሰነት 1990 ህይ እት ጀብህት ግንዳዕ እብ ሳይፊዩ ጅራሕ ለመሰከናቱ፡፡ ዲብ ሰነት 1994 ክም ጠየሰ እንዴ ተአከረ ዲብ እሊ መአሰሰት አተ፡፡ ዕሙማይ ክልፍየት ናይ እሊ ፍርም እት ሸርሕ ህይ ክእኒ ልብል፡፡

“ሕኩመት እብ ወደዕ ምስክናይ ዲብ ዐሊ-ግድር እት ሐድርቹ ዐለት፡፡ ዐሊ-ግድር ክም ጠየሰ እት ምግብ መዲነት ቤት እንዴ ትሸቄት ፍርም እንዴ ተክሊ፡፡ እግል እሊም ምስኩናም ሰዳይት ለገብእቱ እብ ትብል ትሰጀሎ ክም ትብሃልነ ኡዳም ናይ መሕበር ሚ እግል ልግበእ እግልነ ልብል እትህለ ኣነ ላኪን 5 አልፍ እንዴ ትሰለፍኩ አቱኩ፡፡ እብ ጀምዕ እሊ መአሰሰት እሊ 1.5 ሚልዮን ቱ ዐውለ፡፡ ሕነ ህይ ዲብ አምዕል 10 ግርሽ ወ10 ባኒ እት እነሰኒ ወሰዳይት እብ ድጎመ ናይ ሕኩመት ገብእ እግልነ ሰበት ዐለት ዲብ ቀበት ክልኤ ሰነት ዴነ ፈዲነ፡፡

ሕነ ሕኩመት መአሰሰት ሰኔትተ ለእሊ ወዴት እግልነ፡፡ መሕበርመ



አሰይድ ደባይ አብርሃም

ሰጅዳነ፡፡ እብ ፈድል እሊ ህይ የም ነፍሰነ ወውላድነ ምን ለዐል ክሉ ህይ እግል ወጠነ እግል ንግበእ ቃድራም ህሌነ፡፡ እብ ፈድል እሊ መአሰሰት እሊ ህይ መናበረትነ እግል ንሐሰን

ቀደር፡፡ ረአሰማል መ ህለ እግልነ፡፡ አሰክ እሊ ዴነ እንዴ ፈዲነ 2 ሚልዮን ትድቡራም ህሌነ 1.4 ሚልዮን ሰላዲ ህይ እት ባንኪ ህሌት እግልነ፡፡ እግልሚ ሕነ ሸቄ እንዴ እንቤ ኢአትባዴናኒ ክሉ ዲብ ሕሳብ በንኪ ናአትዩ፡፡”

ምናድለት አብርሀት ገ/ሚካኤል መ ዕዳ እሊ ፍርም ሰሊናተ፡፡ እት ደነግብ 1987 ለናደለት እት ሳሕል ተድራብ ዐሰከሪ ሐቀለ ነስኢት ዲብ ክፈል ዴሽ 70 ትቆመመ፡፡ እት አሰሰ አቶብዩ፡ መሓዝ ዐንሰበ ሐቀህ ህይ ዲብ በዴዕ እተ ለሻረከቱ ሐርብ ሰሊሰ ወክድ ክፈፍ ወክቡድ ጅራሕ ሰይፊዩ፡፡ ለዲብ ሰነት 1990 ዲብ ባዴዕ ለሳይፊዩ ናይ ብርክ ወርሕም ጅራሕ ህይ ዲብ ምስክነ አብጽሐየ፡፡ እሊ ዲብ አካን ውላድ ርሕመ እግል ሕርየት ለሰበለት ምሕርባይት የም እትለ መአሰሰት ፍርም ሰሊነ እት ረኤሰሰ እብ ቅወተ ለተአወፍዩ ዶር፡፡ ክም መሰሉልት ማልየት እንዴ ገብአት ትሸቄ ህሌት፡፡ ህተ እብ ሰበት እሊ መአሰሰት ትትሃጌ እት ህሌት ክእኒ ትብል፡፡

“እሊ መአሰሰት እሊ ሕኩመት እብ ሰልፍየት ክም ሀቡነ እብ ሻፍግ ምን ሰሊፍን ለፈደያተ፡፡ አግደ ምስጠር ናይ ዐውቴ ህይ ክመ ዲብ መደት ንዳል ንተብዞ ለዐልነ መብዳእ እብ መሰባል ሰበት ሸቄነ ቱ ለትዐወትነ፡፡ ለ13 አዕዳእ እብ ቶክት እንዴ ትካፈልናቱ እንሸቄ ለዐልነ፡፡



አሰይድ አብርሀት ገብረሚካኤል

የም መጅሙዐት ሐቱ ሐቆ ሸቄት ፈጅረተ ህይ ለካልኢይት መጅሙዐት ትሸቄ፡፡ ለመትዓምን ሰኒ ድቁብቱ ለዐለ፡፡ እግልሚ ሕኩመት አክል እሊ ሚልዮን እንዴ ክዴት ትካፍቶ ትብለነ እት ህሌት እግል መሕመር ለወዴየ ዲብነ ሰቀት እብ ዋጅብ ትነፈሰን እቡ ሰበት እሊ ህይ ተዐወትነ፡፡ እት ምግብነ ውሕደት ወራሕመት ምን ኢትጸንሕ ህይ እት ዐውቴ እግል ንብጸሕ ወኢቀደርና፡፡ እብ ለረከብናህ መክሰብ ህይ ምን እሊ መአሰሰት እሊ እንዴ ሐለፍነ ካልኢይ ወሳልሳይ ፍርም ወወዴነ ዐልነ ምናተ መሻክል ሰበት መጽኢ ክምሰልሁ መ ወደዕ ኮርነ ሰበት ሳይፊ ምኑ ወለዐል እግል ንዋሰል ኢቀደርና፡፡ ምስል ብዕድ ዲት ለኢፊደ መአሰሰት እንርእዮ እት ህሌነ ላኪን ሕነ ሐቃይቅ ሰጀልነ እንዴ እንቤ ማዕነውየት እንወዴ፡፡”

ምናድል ደባይ አብርሃም ዲብ ሰነት 1988 እት ንዳል እግል ሕርየት

ለትሓብራቱ፡፡ እት ሳወ ተድራብ ዐሰከሪ ሐቀለ ነስኢ ዲብ ክፈል ዴሽ 85 ብርጌድ 22 ትወዘዐ፡፡ እብ ፍርሰነት እት ልትሓረብ ህይ ዲብ ምስክነ ለአብጽሐየ ጅራሕ እብ ፍንቱይ ህይ ቅርጮ እዴ ሳይፊዩ፡፡ ህቱ እት ረኤሰሰ እብ ቅወቱ ለልአወፍዩ ዶር ክም መሰሉል እግርህ ዝቤ ወመትዛባይ ናይለ መአሰሰት እንዴ ገብአ ክልኤ ሸቄል ለአወቄ ህለ፡፡ እብ ሰበት እሊ መአሰሰትም ወዴሕ እት ህለ ክእኒ ወሰክ፡፡

“አተ መሕበር እግል ትኣቱቱ ክም ትብህልኩ ክም አዳምዬ 5 አልፍ



አሰይድ ተሰፋ-አለም አልአዛር

ደፍዐኩ ወዲብ እሊ መአሰሰት አቱነ፡፡ እተ ሰልፍ ብዙሕ መሻክል ሓለፍነ፡፡ እብ ፈድል ሰዳይት ሕኩመትነ ላኪን ተዐዳናህ፡፡ ምስኩን እንዴ ገብአክ እግል እሊ ሸቄል እሊ እግል ትጋብህ ክቡድቱ፡፡ ገሌ ምን መሻክሉ ኣነ እግል ናሼ ሐቱ እዴ ሌጠተ ለህሌት እግልዬ፡፡ ምስል ክቡድ ሸቄል ህይ ሰበት ኢቀደርኩ ወለ እግል እፍግር ምንመ እቤ ጀማዐቹ ደሐን ተሐመል እት ልብሎ አትናየተውኒ፡፡ ለክቡድ ምስክነ ለቡ እብ ደሐን ላቱ እግል ልሰዴ ክም በርምግታ እንዴ ትጸበጠ ክም ልትሸቄቡ ዲብ ሰልፍ መሰሉሉን ናይለ ሸቄል ሻርሓም እግልነ ዐለው፡፡ እብ መሕበር ደረጃት ህይ እት ለአትቃብሉነ ወእት ሰጅዐነ ዲብ እሊ ደረጃት እሊ እግል ንብጸሕ ወደውነ፡፡ ዲብ ፍንጌነ ለህለ ራሕመት ወመትዓምን ክምሰል ወክድ ንዳል ለወረሰናህ መትሰባል ቱ ህለ እግልነ፡፡ ክም መሰለ ሐቱ ክቡድ ምስክነ ለዐለ እግል ፋጥነ ለትብህል መልህየትነ እብ ለዐለ ዲብ ምስክነ ክም አሰተሸሃደት መሕመር ሚ እግል ቲደዋቱ ቤለውነ፡፡ ሕነ ላኪን እሊ መሕበር እግል ውላድ እንዴ ትቤ ሰበት አቱት ዲቡ ዴነ ናሰነ እግል ንድፍዶቱ እንቤሎም፡፡

እብላ ራሕመት ወመትዓምን ሕነ እንሸቄ ለህሌነ፡፡ እትሊ ዐውቴ እሊ እግል ንብጸሕ ህይ እንዴ ሰበትነ እብ መሰባል ሰበት ሸቄናቱ፡፡ እግልሚ ለዴን ዲብ ውላድነ እግል ኢልሕለፍ ትሩድ ጅህድ ወዴነ፡፡ ኣነ ክመ ለእሉ እቤ እግል እፍግርቱ ሓሰብ ለዐልኩ፡፡ ክመ ሐሰቡ ለዐልኩ ምን እፈግር እተየ ወአቱኩ ምናተ የም እሊ መአሰሰት ምን እንዴ ሐልፈት ዲብ ውላድነ እግል ትትዐዴ ዋድያም ህሌነ፡፡”

እምሰል እሊም ለአትሃጌናህም እብ ናሶም መአሰሰት ለከሰተው ህለው፡፡



አሰይድ መሐመድኑር ዓለሰይድ እድረሰ

ሰርም አዕዳእ ናይ እሊ መአሰሰት እት ገብአ ምስል ምን መአሰሰትም ለረከቡ እንዴ ወሰከው ናይ ናሶም መአሰሰት ለወደው መ ህለው፡፡ ለበዝሐው ላኪን እተ መአሰሰትም እብ መሰሉልየት እት ክድም እግል ዲብ ጠወርት ልጅህደ ህለው፡፡ ምን ለሐልፈ ወክድ ለሳይፊ መሻክል ወሕማም ኮርነ ወብዕድ ህይ ዲብ መአሰሰትም ገሌ ሐድ መታክል ሱዳጭም ክምህለ ለሓኩ፡፡ ገሌ ምን ለሰይፊዮም ተሐዲ ህይ ቀለ ጃዝ ህለ፡፡ ለእብ ሕኩመት ገብእ እሊም ለዐለ ደጎመ መ የም ይህላኒ፡፡ ሰበት እሊ በዲር ምን ደቅምሐሬ ለአመዱኡ ለዐለው ፊፍ በዲር መክሰቡ እሙር ወሰዕሩ ክም ዐለ ወዲብ ተጠውር ናይ መአሰሰትም ዐቢ ዶር ዐለ እሊ፡ እብ ፈድሉ ቱ ህይ ሰብ መአሰሰት ወረኤሰ ማል እግል ልግብእ ለቀድረው፡፡

እት ደንገበ ለአትሃጌናህም አንፋር ፎርም ሰሊነ ስነይ ክእኒ እት ልብሎ ረአየም ሸርሐ፡፡

“አማንቱ እሊ መአሰሰት እሊ ምን እንዴ ሐልፈት ዲብ ውላድነ ልግብእ ወእግል ብዕዳም በክት ሸቄል ሃይብት ለህሌት ቱ፡፡ ክም መሰል ውላድነ ዲብ እሊ ፍርም ሸቄ ዐለው፡፡ ብዕዳም መ እትሊ ለሸቄ ህለው፡፡ ሰበት እሊ፡ እትሊ መዲነት በክት ሸቄል ሸቄል ክልቀት እግል ልትብህል ቀድር፡፡

ብዕድ ሕነ እግል ሕኩመትነ ወመሕበርነ እብ ሕንቃቄ እሊ ውደው እነ ወእሊ፡ ሰዳይት ወብዕድ እምብል ለህሌነ ክመ ውላድ እግል ዋልዳዩ ለልብሎቱ፡፡ ምናተ ለህለ ተዩልል ሕኩመትነ ሰኒ ወአማን ሰበት ነአምሩ፡፡ ምስል ለዐለ ተዩልል ኮርነ ወዳብኢት ዕድዋን ሕኩመት አሰክ እሊ ዐርፍት ኢህሌት፡፡ ሰበት እሊ፡ ሕኩመትነ ቀስነት ምንገብእቱ ናቅሰ ምን ለህለ እግል ልትወሰከነ ለቀድር፡፡ ሕነ ለእምብሎ እግል እሊ መአሰሰትነ ለገብእ የም ምን ሕኩመት እንዴ ኢንትጸበር ወመሕበር እብ ሰላዲነ እግል ልቀድም ዲብነ ንትፋኔ፡፡ ክም መሰል መቶር አው ናይ ፍርም ባርነር ዲብ ለልትሰበር ዲቡ ምን ወክድ፡ እብ ሻፍግ አሰክ መዲነት አሰመረ እንዴ ጌሰ መሕበር እብ ሰላዲነ እግል ለአምጽእ አው ለአሰኔ እግልነ ንትፋኔ፡፡ መሕበር ክመ እሊ እግር ለአትከሊነ ኣዜመ እብ ትሉሉይ እት ታብዓነ ጠላብነ እብ ሰላዲነ እግል ለአክምል እግልነ፡፡

እት ደንገበ ለአትብሎ ተዩልል ሕኩመት ሕነ ክም አንፋር ሕኩመት ወምናድሊን ኩሉ ለሳድፍ መታክል ሰበት እንፍህመ፡፡ የምመ ክመ ማሌ ሕነ ሰበትነ ምንገብእ ሕኩመትነ እግል ትሰበት ክም ቀድር ሸክ አለብነ፡፡”

ሸባብ

ነጃት ዑሰጣን



ውርስ ሕላይን እግል ኢጅያል

ምን እብ ብዝሓም ሕልዮት ወእብ ፍንቱይ እብ ሸባን ሕልዮት ለትሐለዩ አው ለትደገመዩ፡ ሕልዮት ትግራይት፡ ሐቲ ምን ሕላይ እድሪስ ወድ አሚር እግል ነሐርበኩም ቱ። ከዲበ ፈርዖትላ ሕላየት እግል ንሕለፍ።

እለ ሕላየት እለ ሐቲ ምን ፍቱዮት ወእብ ብዝሓም ሕልዮት ወሹዐረእ ለደገመት እትገብእ፡ ምስለ ዲቡ ለትሐሌት ዘበን ጸበጠ ወመካሪተ አሰክ ዮም ልጃገረ አለበ። እድሪስ ወድ አሚር እት ሰነት 1920 ለትወለደ ወእት ሰነት 1964 ለትረሕመ እሙር ወፍቱይ ሕልዮይ ዐለ። ሐቲ ምን እሙራት ሕልዮቱ ህዩ 'አባይኪ ንሰ ኢምድሩ' ለትብል ሕላየቱ እት እዝን ብዝሓም ፈተች ሕልዮት ወድ አሚር ባጽሐት ቱ። አቤ፡ እለ ሕላየት እለ ዲቡ እድሪስ ወድ አሚር ለሐለዩ ዲቡ ወቀት ሙሲቃት ሰበት የዐለ ክእነ ከም እት አዜ እብ ለትፈናተ ሙሲቃት ግሩም እንዲ ሰኔት ወገረመት ወዝያድ እንዲ ጠዕመት ወለዘት እንዲ ሀበት ትትሐሌ ምንመ አ.ዐለት፡ ለዲብ ከርሰ ለሀለ ፈርዖተ ዲቡ ዘበን ለሀይ ልትሐሌ ለዐላቱ። ከክሉም ምን ኢገብእ፡ እተ ገሌ ምን ሕላይ ወድ አሚር ለእቤሉ እግል ዐዴኩም፡ እብ ሕበር ለዘተ ሕላየት ንቅራኤ።

አባይኪ ንሰ ኢምድሩ ወገህ ወድ እም አለበ፡ ዕጩት ክፍኩፍ ሐበጠ አ.ጠርቅ ቱ ዲብ መሕበር፡ ወኢልትሃጌ ከም ፈተ ኢገበዩ ለኬይ፡ እለ ረክብ ወዐረደ ሰምዬ እድሪስ ወድ አሚር፡ ወክናየቼ ዐወተ ሐሻሽናይ ወባዲ፡ ገጩ ሀለ ዲብ በደ ምን አቀብል እብ በክት፡ ወምን ገይስ ትሸተተ ኢቲቦሉ ወድ አሚር፡ ወለት በዲር ሕቱተ።

እሱብዳልየት ተአምረ ሰልጣንየት እብ ናዝ ባቡ ንብረት ተላተ፡ ሐገት ምልእት ምን ሱገ።

አቤ ለሕላየት ብዝሕት ምንማ ቱ፡ ብዝሓም ሕልዮት እብ ለትፈናተ ፍሬ ለአንቡተ። ሰርም ምን ምግብ፡ ሰርም ምን ግረ፡ ወሰር፡ መ እበ ወድ አሚር ለሐለዩ እቡ አሰሉብ፡ እብ ራትዐት ገበይ ለሐልወ፡ ከአዜመ እተ ፈርዖተ ሕላየት ነአቅብል፡

መስኪን እድሪስ ወድ አሚር፡ እት ከደኑ ባዲቱ ወለግራድ አግዕራይ፡ ለእሲት ግርም ሃዲቱ

ገድክ ሞተ ልብሉኩ፡ ግል ትውረስ ለእሲት ቱ። ቀጣን ገበይ ስጋለት፡ ቀጣን ገበይ ስጋለት

ሀረስኪ ምን ሰኩብ፡ ወክሬኪኒ ዲብ ሐለት አዳም አቅሉብ ለሓንዩ፡ ሚዶል ምስል ልትቀለድ

ወለፍክወ ለአፋኪ፡ ክምሰል ወለፍ ሰጃረት ሐቲ ላሊ ምስልኪ፡ ራዲ አነ ረሳሰት።

ቀየሕ ምን ኢትቀይሕ፡ ወጸላም ምን ኢትጸልም ለበረሀትላ አንያበ እንጂሕ፡ ጋብእ ፈለልም

ለጽል፡ መ ሃላ፡ ሕልቡብ ላሊ ኢለምም ለቅጥነ ከቦህ፡ ጭቅመት እዲ ኢተምም

ህተ ዐደ ሳርዩ፡ ረቢ ዲብቤ ለአገርም ሐቲ ላሊ ምስልኪ፡ ራዲ አነ እብ ረጅም።

ለወሰፍ ክእነ መሰል ዐለ፡ ክለ ግርመተ፡ ከቦህ፡ ሃላ፡ ሕብር ወመባትክ ገርቦ ሐቆመ ወሰፈዩ፡ ምስለ ሐቅላ አምሐበረ አርወሐቱ

ክምሰል ቤዘ እግለ ወፍዛህ እንዲ ገብእ፡ ሐዞቱ ክም ለሐድግ እግላመ ይሐብዐ ወኢሰትረ። ከክነ ቤል፡ ሎሂቱ ደሳህ፡ ሰክት ባቡር

ለመደይ ትጀመል እከ ወድ አሚር፡ ክም በዲርክ ኢትሕዜ ህተ እግል ኢትምጸእ፡ ጽብጥት ህሌት ዲብ እዲ ወእንተ እግል ኢትምጸእ፡ አምበል መንገአት ኢትአቱ ቀየሕ ሕብር ብርቱካን፡ ኬዘራነት ዲብ እዲ ፋጠት ካጌ ትትዐንደቅ፡ ወአቡ ሰብዐት ትትመልሹ አክል ንሰት ወአቅብለት፡ ለአልባብ ምስለ ልትገሌ። አቤ፡ ወድ አሚር ተጋቢቡ እብለ ገብአት ሸርሐዩ እለ። እብ ሰበት ግርመተ ወዐቅላመ ዋሰፍ ዐለ።

ሰላመቼ አሰኡሉ፡ ምንክም ዐደ ለለአቱ ምንቱ ምንዲ ትብለኩም፡ ካይን ለፈኩ ኢፈዲ

ክም ምራደ ኢትረክብ፡ ዋርድየት ላሊ ልትፈሌ ዋርድየት ኖሼ ሐድገ፡ ከዲብ ሰራዋ እትዐዲ

እሳት ገብእ ጀነት፡ ገድክ ምስለ ትትካሬ ጀነት እግለ ኩብሕተ፡ ወእሳት እግልዬ ትትጋሌ

የምዲ እለ እቤ፡ ወሐራት ለሃመ ኢትብዴ። ወድ አሚር እለ ፋቲህ ለዐለ ወለት እብ ክሉ ሐለዩ ወወሰፈዩ።

እብ ጭገረ ወግርመተ ሰኒ ወሰፈዩ። እግልሚ፡ ጭገር አርት ምን ግርመት ወጀላል አንሳይት ሰበት ቱ። ከጭገር ሸጢፍቱ ሚ ክርድ ሐድቱ ሚ ብዞሕ፡ ኮፎ ከም ሸርሐዩ ምን ፍርዖተ ሕላየት ሕበር ንርአዩ።


እለ ብርድ ናይ ሮረ፡ ሰራይ ከፎ ትቀዲሩ ሀርጩምጩ ደባቢር፡ ክላል አበ ሰጢሩ ክላል ምንዲ ሰጥረዩ፡ አንስ አበ ገዲሉ

አንስ ምንዲ ገድለዩ፡ ዐርቀይ አበ አኪሉ ቀባሽ ገርብዩ፡ ወሐዘ ክምሰል በዲሩ

መስኪን እድሪስ ወድ አሚር፡ ሱዳን ሐዜት ቀቲሉ። እድሪስ ወድ አሚር፡ እግል ፈትየ ለዐለ ወለት እብ ኩሉ አውሳፈ ሰኒ ሐለዩ ወሰንቀዩ፡ ወእት ደንገበ ረክበዩ ሚ ኮፎ አዜመ ምን ፈርዖተ ሕላየቱ ንፍሀመ።

አነ ግድም ተሐለልኩ፡ ጽብጠተኒ ሕላሌ ክሰረ ብሹል ገርብ፡ አምበል ላካፍ ልትካሬ አባይ ወአባይ፡ በኩ ልብለዕ ወልሰቱ

አባይ ወአባይ፡ ኢሰምዑ ልትላኪ ፍቲ እግለ ኢልአምራ፡ ለአመሰለ ሕንቃቁ ቀላል ፍቲ እሳተ፡ ምስል ውልቀል ተአትሃጌ፡ ቤለ ከሐለ።



ሕልዮይ እድሪስ ወድ አሚር



ግርመት እብ ሕብር



ግርመት እት ብዘሐ ጭገር



ግርመት እብ ሰርጎ

ተመህ ቀደር

- ለጅኑድ እግል ለአትጋሉብ ጋይሳም ዲብ ህለው። ሐቆ መደቲት ምን ረሰለ ደብር እት ትትናቄ ወእት ትገዐር እግል ትትከራቱ።

ለዕንታተ አሰክ ሕግሰ ደብር ሰት ለአትቃምተ ዐለዩ። ላመ ዛብዋ ኢሐሰ። ሐቆ መደቲት። ከረርም ናይ ነላታት ወአራባት ወመንትል እት ቀበት አሕደ በደድ ቤለዩ። መለክ እጭፋር እለን ክም ህለ ላቱ ዳልዮት ይዐለዩ። ለአመረ አሮትክ እት ረአሰለ ፈረሱ እንዴ ሐጠጠ ወሀደፋ እንዴ አቅመተ ተረግ ቤለ። ወለ መዕረከት ግድም አንበተት። ለመንገዮት ከላ ለጅህደም እግል ዓቶት እንዴ አትጋሉብክ አሰክለ ጨብብ ፍንገል ክልኤ ዕንክለት ወጅሆት ቱ ለዐለ።

አሚር ረዕፍ ለፈ'ደብ መትንዕያይ ዐለ። ቀላላት ገርቡ ወለ ተዕሊመቱ። ወለ መትመላክ ለዲብል ፈረሱ ለአርእዩ ዐለ። ወእተ ክምሰሌሁ ለኔቶት እብ ክል አንክር እንዴ ተሃደፈዩ አሰክለ ጨብብ ምክራፍ እት ከባክቡ። ደለ ረአዩ ሰኔ ልትፈከር እቱ ወልትበሰጥ እሱ ዐለ። ሐቱመ እንዴ ኢትተወደኛ ምት ዶል ከኔቶት ሐቱ አሰክለ ጨብብ ለዐዴ ዐለ። ወዶልክ ሐቆን አሮት እት ልትካረፍ ወእት ለአትጋሉብ ወሐራም እንዴ አልትደዩር። ለምሰሉ ዐለው አክላብ አትዐቡ።

አሚር አብዎርመ እብ ጀሁቱ እብ ፍንቱይ ተዕሊመ እግል ከሉ በሰጠ። ለሸፋጉ ወለ ቀላላቱ ወእትረአሰለ ሀደፋ ወደዩ ለዐለ ከሉ። እምበል ሸክ ልትዓደሉ ለአሰቡ ፋርስ ክም ቱ ለአክድ ዐለ።

ለአመረ እለ ከጠረት ትልህሆም እብ እት ለሀምጎ ለወቅት ሳዐት አሰር ሳዐት ልትከምተት ዐለ። ላመ ንዕዮ እብ ፈርሐት ወለውቀት እግል ለአክትም ቃርብ ዐለ። ምናተ እግል ርዋግ ለሀይ ለለሐምርግ ወአልባብ ለነሰእ ቴለል ሐሰለ። አሚር ረዕፍ እት ሕግሰለ ደብር አራብ አሮት እት ልትካረፍ። ዕንክሊተት ሐቱ ዶል ተዐርረ። ህቱ ወለ አራባይ ምስል ዲብ ረአሰ ሐዩት ሳርዕ ትከረው። ለሐዩት እንዴ አግሀጸ ተረግ ቤለ ዲቦም። ብዙሓም ምን ጅኑድ ለመንገሁም ሕሳብ እግል ልውዴ እት ለአሰእሉ ዲብ አሕድ ጨጭ ወደው። ለአሚር እለ አመተ ዳለ ለይዐለ ብቆት እት ወግም ኡቱዩ ኢጸንሐ። ምናተ ሳብት ወሰኔ ሓጥር ዐለ። ሰይፋ እግል ለአፍግር ለእዴሁ እት ቤተ ሰይፍ ተመህ እት ትብል። ለሐዩት በድረዩ ወብት እንዴ ቤለ እግል አሚር እትሰሐከክ እብ እዴሁ እግል ፈረሰ እት ገዱ ከመሸዩ። ለፈረሰ እት ዶሉ ክመ እት ሰክራን ሰንከልከል ቤለ ወእግል ልውደቅ ሐዘ። ለሐዩት አዘመ ምን ሐዲስ እንዴ ትቀርፈሽ ብት እግል ለበል ትዳሉ። ለአሚር ሻፍግ እት እንቱ ለርምሕ እንዴ ትናወለ እብ ክለ ሐሊቱ አሰክለ አሰኩ ሳርር ለዐለ ሐዩት ለክፈዩ። እት ዶል ለሀይ ለፈረሰ እብ ዘብጠት ለሐዩት ዘብጠዩተ ሰበት ትደመዐ ወድቀ ወአርወሐቱ ፋረገ። ላመ ርምሕ ምን ሀደፋ ሰበት ጀ'ለ ለሐዩት ደሐን ገብአት እሉ። ለሕሽም አሚር



ህዩ እብ ክልኤ እዴሁ ብራቀን - እምበል ሰላሕ - እት ቀደምለ ሐዩት እብ እንቅዕራፋ ትለከፈ።

ለዶል ለሀይ ለአመረ ወለ ጅኑድ አሮትክ እብ አንክሩ ለአሚር እግል ለአተክራ እብ አፍሩሶም አሰክለ ሐዩት ልትገደር ዐለው። ወአሮት ከርሐ ጀላብለ አሚር ሰቡለ ዐለ። ደደፍመ እብ ፈረሱ ዲብለ ሰመ ለወውል ዐለ። ወለ መሳፈት ለፍንገሁ ወፍንገህ አሚር ዐለት ክመ እት በርቅ እብ ሸፋግ ጠይመ ዐለ። ለሐዩት ለአሚር እግል ልቅተል ብት ዶል ቤለ ቀደም ክሉም ህቱ ዐረ እቡ። ወምን ረአሰለ ፈረሰ እንዴ ሰረ ለኮናት እት ተአግሀጽ ለዐለት አንቀርለ ሐዩት ደግሐዩ። ለኮናት እብ አንቀርለ ሐዩት እንዴ ሐልፈት ዲብ ተበት ሸክ ትቤ። ደደፍ ላቱ እግል መጽበጠትለ ኮናት ሰኔ ሐጠጠዩ። ወእግል ሐዩት ከሰከሰ ከልአዩ። ላመ አመረ ወለጅኑድ ሰበት ዐረው እቡ እግል አሚር እብ ክል ጀሁቱ ትከለበወ። ወለአርምሐቶም አሰክለ ዋድቅ ለዐለ ሐዩት ዋገረወ ከቀትለው።

አሚርት መሪ ሲ ዐንኸ እት ፈረሰ ጽዕንት እት እንተ መጸት። ድንግጽት ሰበት ዐለት ምን ክትርለ ፈርሀት ወለ ርዕብ ግርመትለ ገጸ ጊማይ ካድነ ዐለ። ለሐህ እብ ሰላመቱ ወግፍዩቱ እብ ብግሩ እት ተክል ክም ረኡቱ። ምን ፈረሰ እንዴ ትከራት ሻፍገት እት እንተ ቀርቡቱ ወዲብ ገርቡ ተመህ ትቤ። ወምን ሰላመቱ ክም ተአክደት ምን ከሉ ቀልበ እግል ረቢህ እት ተሐምድ ክም እለ ትቤ።

- ሐምዴ ወሸክር እግ'ለ ረሐም ላቱ ረቢ በታሕ ልግበአ። ላመ አመረ አሮትክ እብ ጀሁቱ እብ ሰላመትለ አሚር እግል ረቢ በታሕ ሐመደው ወሸክረው። አሚር ረዕፍ ሰኔ እሱፍ እት እንቱ እግል ማይት ለዐለ ፈረሱ ለአትቃምት እንዴ ዐለ። ሸንክትለ እግል ልቅተሉ ለሐዘ ሐዩት ዶል ትወለቡ ለአርመሐት ለእት ገርቡ ልታክል ዐለ ምን ክትርመ ብዙሕ ዐለ። ክመ እት ከወኒለ ዕንገራት እት መሰል እት ገርቡ እት ልታክል ረአዩ። ለፋርስ ለተምሳል ግሩም እት መሰል እት ረአሰለ ሐዩት በጥር ዐለ ዶል ረኡ። አዲግ አሌለዩ። ለፋርስ ለኖሱ እንዴ ሐረዩ ነፈርለ ዘብጥለ ፍንቱይ ሐረሱ እግል ልግበእ ለሸዩመዩ ክም ቱ አዲግ አመረዩ። አልሀት እት ተአምር እግል እለ አምዕል ዮም ለሐራቱ መሰለት ዲቡ። ለአሚር

ሰኔ ብሱጥ ወርዶሕ እሱ ዲብ እንቱ ቀርቡዩ። ወለ እዴሁ እት መርከቡ እንዴ ከረዩ ክም እለ ቤለዩ።

እንተ ሓጥር ዛብዋ። ምን አፍ ሞት አተክሬከኒ። እለ ፈራሰትክ ለልትዓደለ አለቡ። ወአናመ አክለ ለገብእ ኬር እግል እጃክክ ዲብ ቱ። አሚር አብዎርመ ሸቅል ፈራሰት ወሐጠር ረአ ምን ገብእ ለርሐ ሰኔ ትፈትዩ ሰበት ዐለት። ዲብ ደደፍ እንዴ ቀርቡ። እግል እዴሁ እብ ሐሊት እንዴ ጨቅመዩ ክም እለ ቤለዩ።

- እንተ ፋርስ ጃንዲ። እንተ እግ'ለ መልክ ወእግል ከላ ለወጠን ዐባይ ሰኔት ወወቀይ ፈዳብ ወዳክ። እዴክ ትክት ትግበእ ዲብ ፋርስ ፋርሳም!

ሐቆ እለ ከሉም እንዴ ትከምከመው አሰክለ መዐስከርም አቅበለው። ለጋር ሸውሸረት ዋዲ እቶም ሰበት ዐለ። ለልትሃይ ነፈር ይዐለ። ወአሰክ እለ ለኮፍሶም ምን ሀላጋትለ ብቆት ለሳደፈዮም ቡልሕት ይዐለት። ዲብለ ገቡም እት ለአቀብሉ። እግል አሚር አብዎር ምናተ ምን ጀማይዑ ክም እለ ቤለዩ።

- ለአልሀት እግ'ለ መልክ ለርሐ ዲብለ ቁርፈትለ ታቡት እንዴ ሰጅዮ። ሸዕቡ ምን ሸር ወምን ለገበአት እኪት ጀላብ እግል ልድሐን። ርሳላት ነጃት ከትብ ለሀሉ። እኪት እት ውላዲ እግል ተአርእዩ ኢፈቴት። ከጀዘ ሰኔት። ኖሳመ ሰኔት እምበል ሚኢትገብእ?!

ለሕሽም መናቢት አካን ዕርፎም በጽሐው። ወዲብ ነብራሆም መጽሐቶም። ወኩሉሰለ ክምረት ኪን ወእንሰር ዶረ ዲቦም። ለአሚር ለደሐኑ ሰበት ለወቀቱ። እግል ጅኑድ ምን ፍንቱት ከምረትለ ሸዩም እግል ልትሀዩም አዋምር ሀቤ። ለጅኑድ ከምረቶም ሰተው ወሐመደው ወሸክረው። ወእብ ሕበር እብ ሀዱድ ለመሰል አክራፍቶም ኸደፍ ፈርዑን ሐለው። ወዲብ እለ አካናም ውዕላም እንዴ ዐለው ምን ገጽ ምሴ እግል ምግግዝ ትከምከመው። ዐፍሾም ወትንጅም ወለዴቶት ለእለ ቁቱላም ዐለው ጸዕነው። ወለ ቃፍላት አክል አሕድ ክመ ሰፊት ለቀዳሚት ለእብ ትብገሰት አሮት ከእት አካኑ አሰር አሕድ እንዴ ገበአት ትብገሰት። ምናተ አሚር ረዕፍ እግል ዛብዋ ለፋርስ - ደደፍ - እት ባኩ እግል ለአሴርር አመረ። እለ በሀላት ለአሚር እግል ደደፍ ምን ፍንቱዮም መሳኒቱ እግል ልውደዩ ሳትት ክም ሀለ ንዮቱ አትአመረ።

ዐለት። ልብለ ሓጥር መንደላይ እብ ሐበን ወፈርሐት ሀንደገ። ወዘያድ ከሉ ለለወቀዩ ጋር ህዩ። እት ቀበትለ ሸዩም ለአሚርት መሪ ሲ ዐንኸ ዐለት እቶም መትሓባሩቱ። ወምን ቅሩብ ሰበት ሸአገዮ። ለእብ ሻማተ ወሰፈላለ ለሀንድግ ለዐለ ልቡ ትሰምዑ ለሀሌት መሰለ ዲቡ። በል ላተ ለአብል እት ይዐለ። ምናተ ለገጹታዩ ለግሩም ዶልተ እንዴ አትሃመለ እቅምት ለአብሉ ዐለ። ላመ ምድር ክም ጸልመተ ልርእዩ ለሀለ ሌጠ መሰል እቱ ሰበት ዐለ። እሱ እት ለአኖኬ ወለአትቃምት አምሰ።

ምናተ ምስለ ለሐሙዱ ወሸኩሩ ለዐለው። ህታመ ሐቱ ዘዐቲት ሐምዴ እስምዕቱ ምን ተዐለ። ምን ከሉ እለ ሐበን ወለሸመት ወአርዛቃትለ እዲን። ህተ ሌጠ ወከፊቱ።

ከባብ

ባድዮት ባቅከት

ጋንዲ ሐቱ ዶል እብ ባቡር እግል ለዐራ ሰኔ ሻፍግ እት እንቱ ልሰዴ ዐለ። ለባቡር ትብገሰ ወእት ልሰዴ አንበተ። እንዴ ዐረ እቡ ብት ቤለ ከዶል ትጸዕነ እቱ ሐቱ ፈርደት ናይለ እስኢት መልጨት ምን። ህቱ ህዩ ሻፍግ እት እንቱ ለሕተ ምን እግሩ እንዴ ሐርጠዩ ባክለ ሕተ እት ገበደለ ባቡር ለክፈዩ። መልሂቱ እለ ውዲቱ ምን ረአው ሰኔ ተዐጀበው!! ከትሰአለ። ለክምእን ወዴክ እቡ ሰብብ ሚቱ? ለሐቱዲ ወድቀት ምንክ ኢትን። ለሕተ ህዩ አፎ ለከፍካህ? ቤለው።

ለለቢብ ጋንዲ ክምእን እት ልብል በልሰ ዲቦም። “እለ ሓግል ለእግል ፈርደትለ እስኢንዩ ረክብ እግል ልትነፈዕ እብ ገብእ ምን ገብእ። እስኢን ካምለት እግል ትግበእ እሱ ምን ፈቱቱ። ሐቱ ፈርደት ረክበ ምን ገብእ ኢትነፍዑ። ወአናመ ለሐቱ አትረፍት ምንገብእ ኢትነፈዕ። ከሕኔት ሳክት ሐቱ እት ከደን ወሐቱ ምስልዩ እምበል መንፈዕት ተርፈ። ምናተ በዐል በክት ምን ረክበን መጦር ሕድ ምን ጸነሐ ለሐይሰ እቤ” ቤለዮም።

ምን እለ መሰለለት እለ እግል ንትዐለሙ ለብእትነ ደርስ ሀለ ምን ገብእ። ገሌ ጋር ሰ'ሬነ ምን ገብእ ከደን ክም ኢገይሱ። ወምን ለተርፈት ላዘም በዐል ቅሰመተ ክም ኢትሰእን። ወእት ልብ እለ በዐል ቅሰመተ ዐባይ ፈርሐት ክም ትከልቅ እግል ነአምር። ወሕናመ መጦሩ ጀላብለ ፈርሐቱ እግል ንፍረሕ ብእትነ እት ኢትን። እት መልጨት ምን ኦው እት ሐልፈተነ እግል ንትአሰፍ ወንግሄ አሉብን። ከገሀይ ምን ሚዶልቱ ገብእ ሓልፈት ለበልሰ?

እትለ እዲነ ለሳድፋነ ምሐን ዲብ መንሐት ወሀያባት ዶል እንበድለን። ምን እለ ለለዐቤ ራሐት ደሚር ለክልቅ ዴማት ይሀለ። ወክል ዶል ሕኔመ እት ብራቁ ሀለ ክፋለ ከብዩት ነአቀምት እትለ ምሉእ ለሀለ ክፋለ ምን ነአቀምት ለሐይሰ።

ተጠሰም

• ለእመር ኬትባይ በርናርድ ሾ። ሐቱ አምዕል እት ናይ ውዳይ ሰን ሐፍለት ዐዘመው። ዲብለ ሐፍለት አንስ ወአዋልድ ገራይም ጸንሐዮህ። ምናተ ህቱ ምስለ አንስ ለክፍላት እት ልትሃጀክ አምሰ። “ሚቱ መለሀይ ደሓንካቱ ማሚ። አፎቱ እለን ገራይም ሸንብሬባት ምንን እንዴ አዘምኩ። ምስል እለ ደገልል ክፋእ ምን ተሃጀኸ?” ቤለው። በርናርድ ሾ ህዩ። “አሃዩእ። ለሐፍለት ናይ ውዳይ ሰን ተ ብሀላምን ዐልኩም ማሚ?” ቤለዮም።



ዘርእ ዕፋን ወሽንገይ፣ ልክደም ዲቦም ሐረስታይ



አሰይድ ዐብደላ ዐ-መር



ዶ/ር ቢ.ኤም ፕራሳና



ወዘር ሐርስ አሰይድ አረፋይኔ በርሄ



አሰይድ ተክለአብ ምሰግና

ወጠንያይ ወዕላ ሽንገይ ወዕፋን፡ “ጸገም ትሩድ እግል አድመኖት ብቆ ወደማን ለቡ ዘርእ ሽንገይ ወዕፋን” እት ሐንቴላ ትብል ሰቅራት ምን የም 20 አሰክ 21 ሰብተምበር ዲብ አሰመረ ሆቴል አሰመረ ፓላስ ገብሎ።

ወዘረእ ወሕካም አቃሊም ለዐለው ዲቦም ውቁላም ሰብ ሰልጠት ሕክሙት ወጀብሀት፡ ዲብ ኤረትርፍ ለመርከዞም ሱፈረኔ ድወል፡ ወካይል ድወል ወእድንያይ መዝገማት እት ሐድረው መናሰበት ከሲትላ ወዕላ፡ ወዘር ሐርስ አሰይድ አረፋይኔ በርሄ፡ ሽንገይ ወዕፋን እብ ቅዝእሆም፡ እት ለትፈናተ ሓላት ጀው እበ ቦም ቱ ከሀላት፡ ክምሰልሁመ እብ ማይ ሐድ ለበቅሎ ምን ገብአው፡ ወእተዮም ሆይ ብዙሕ ሰበት ቱ፡ እት እዲነ አትሐዘኖት ውቁል ለቦም አግደ አካል ክም ቶም እት ወዳሕ፡ እሊ ወዕላ ሀደፋ እክል ሽንገይ ወዕፋን መናፍዕቱ እብ ክሉ አሸናኩ እግል ታያን ክም ትዝመ አብረሀ።

ወዘር ሐርስ እንዴ አትሉ፡ እብ ቅያስ ሐድ ልትዘረእ ለሀላ ሐርስ ሽንገይ ወዕፋን እግል ልትጠወር፡ ሐረስቶት ነኣይሽ ወእብ ፍንቱይ አንሳት ወሸባብ ዕልማይ ድሩስ ሐርስ እግል ልትሆየም ወለልአትሐዘ ቱክኖሎጂ ሐርስ እግል ልትዐንደቅ መርሐለት ለትጠልቡ ጋር ክም ቱ እት ሸሬሕ፡ ሐርስ ሽንገይ ወዕፋን እት ዐድነ ኤረትርፍም እግል ጠወርቱ ወአርሐቡ ልትክደም ክም ሀላ አክደ።

ሐቆ እሊ ሰብ ወዕላ፡ እት እግል እሊ ሙእተመር ሽንገይ ወዕፋ ለልአደቅብ ውላቅ ብሐሰ ወተጃርብ ለልትረከብ ምኑ ጸብጥ ተዐደው።

አወላይት ምዕል 20 ሰብተምበር ምን ገጽ አሰቡሕ ሐምስ ወረቀት ልትቀደመ ዲብ ሀላየ፡ እተይ ሐርስ ሽንገይ ዲብ ኤረትርፍ ወለሀላ እሉ

አብነት ወተሐድያት እብ አሰታዘ ዐብደላ ዐ-መር ምን ውዛረት ሐርስ ለትቀደመት ወረቀት ብሐሱ እትሊ ሐልፊነ ሰለሰ ዐቅድ ዲብ ኤረትርፍ እተይ ሽንገይ ምን ወክድ እት ወክድ እት ወሰክ ገይስ ክም ሀላ ለትአበርሀ ዐለት።

ሐቆሀ ለትቀደመት ወረቀት፡ ሐርስ ወአዳቃል ዘርእ ሽንገይ ወጂብ እት አፍሪቀ ለትብል ዐለት። ተጅርበት ደውለት ሞርቱ ዲብ እተይ ሽንገይ እንዴ ሀረሰት፡ ምን ጀው ምግባይ በሐር ወኪንመ እት ብዙሕ አውሎታት አፍሪቀ ሽንገይ እት ለአሰሐብብ መጽእ ለሀላ እክል ክም ቱ፡ ለወረቀት በሐስ ቀደመ ዶክተር ወለታው ታደሴ አፍሀመ። ወእብሊ አፍሪቀ፡ ምን አግርሀ እግል እንዴ አግራት፡ እብ እተይ ሽንገይ ረሐ ለትቀደር እቱ ወክድ ክም ኢረይም ለሐቀቀት ወረቀት ዐለት።

ለሳልሳይት ወረቀት በሐሱ፡ አዳቃል ዘርእ ዕፋን ወገጽሐ ለሀላ ተጠውር ለትወዳሕ እት ገብእ፡ ምን ውዛረት ሐርስ አሰይድ ንጉሴ አብረሀ ለቀደመየ ዐለት። እላ ወረቀት፡ ለቀዳም ዘርእ ዕፋን ኤረትርፍ፡ ምን ኦርት ሄክታር በዝሐ ምን ገብእ ዐሰር ኩንታል ለኦቱ ለዐላ፡ እትሊ ወክድ ጎነ እብ ሰለ ዕጹፍ እንዴ ወሰክ አሰክ 75 ኩንታል ምን ሄክታር ለኦቱ ክም ሀላ አክደ።

ምን ውዛረት ሐርስ አሰይደ ገነት ገብራዝጋብሄር፡ እተይ ዕፋን ዲብ ኤረትርፍ ለወደሐት እት ገብእ፡ ዲብ ኩላ ወጠን ዝያድ 20 አልፍ ሄክታር ዕፋን ክም ልትዘረእ፡ ለሰኔቱ ሆይ ዕፋን ምሰላ ሀላ እሉ ከሀላትል እት ክሉ ምድር ኤረትርፍ ቀላቅል፡ ምግባይ ተዋልል ጀው ውብሩድ ከበሰ ክም በቅል ለወደሐት፡ እብ አዳቃል ሆይ ዝያደት እግል ልርሐብ ወልወጅብ ልትክደም ክም ሀላ አፍሀመት።

ዶክተር ቢ.ኤም ፕራሳና ምን እድንያይ በርናምጅ እተይ ዕፋን ለቀደመየ በሐስ ሆይ፡ ‘አዳቃል ወክሰለት ከሀላት ተቃዋር ሓለት ጀው ለቡ ዘርእ ዕፋን እት ድወል ሽብሀ ሰሕረኔ አፍሪቀ’ ለልብል ዐለ። ምሰላ ልትቃዋር ለሀላ ተዋልል ሓለት ጀው ዐለም ለገይስ ወዲብ ወክድ ሐጨር ለልኦቱ ወሕዳን ዝላም ለልክሀል አጅናሰ ዕፋን እት መንጠቀት እግል ልትለመድ፡ አትናያት ዲብ ዘርኦቱ ሐረስቶት እብ ሕኩማት እግል ልግበእ እቱ ለመክር በሐስ ቱ።

ሐቆ እሊ፡ እብ ዝላም ጠቢዐት ወረይ ለትዘረእ ግሪህ ሽንገይ ወዕፋን ዕዉት ዲብ ኤረትርፍ ለልአርኤ ሺድዮ ሐጨር ክም ረኡኔ እት ትቀደመ ውራቅ ንቃሽ ገብእ ከእግል ዕርፍ ፈገር።

ሐቆ ዕርፍመ፡ ወኪል መሕበር አትግዝሐት ዘርእ ‘ሺታ’ ላቱ

አሰይድ ጸሃዩ ካህሴ ምን አቶብዩ፡ “አዳቃል ወአትግዝሐት ዘርእ ዕፋን እት ግብለት አቶብዩ” ለትብል፡ ተጅርበት ገባይላ አቅሊም ለትወዳሕ ወረቀት በሐስ ቀደመ። እብ አትግዝሐት ዘርእ ዕፋን ወጂብ መናበረት ብዝሓም ሐረስቶት እንዴ ቀዋርኩ ሱግ እግል ተአርድ ክም ትቀድር ተጅርበት ለአቅሊም ለሓክ ዲብ ወረቀት ከሲብ ተጅርበት ዐለት።

ደርቡ ሆይ፡ “አዳቃል ዘርእ ዕፋን ወጂብ ዲብ ድወል ተጠውር ግብለታይ ገባይል አፍሪቀ” ለትብል ወረቀት በሐር እብ ዶክተር ማክሮበርት ምን ጀምሁርየት ግብለት አፍሪቀ ትትቀደም ዲብ ሀሌት፡ ዕፋን እት ግብለታይ እንክር አፍሪቀ ክም አግደ እክል እት ሙነት አዳም ለአሰሐብብ ክም ሀላ፡ ወቃንጨሁ ሆይ መርሀዮ እት ዐለፍ ንዋይ ጋብእ ክም ሀላ ወደሐ ዲብ፡ ገባይል ግብለታይ አፍሪቀ ሳድኩ፡ ምን ናይ ለመድ አግቡይ ሐርስ ዕፋን እት ዋወር መሻሬዕ ሐርስ ዕፋን ልትዕዴ ክም ሀላ፡ እሊ ሆይ ክም ናሚብዩ፡ ግብለት አፍሪቀ፡ ሞዛምቢክ ወዘምባብዌ ሰኔ ለሄረሪየ ዲብ መሻሬዕ ክም ቱ እብ አምሳል አብረሀ።

ግሪ እሊ ሆይ፡ እተይ ሐርስ ሽንገይ እት ኤረትርፍ ክምሰልሁመ ሱግ ናይላ እተይ ለትክሰስ ወረቀት በሐስ እብ አሰይድ ተሰፋይ ጸጋይ

ምን ውዛረት ሐርስ ኤረትርፍ እት ገብእ፡ ሐረስቶት እግል ለአፈርወ ሽንገይ ወጂብ፡ ውዛረት ሐርስ ክም ባንክት አክቤ ዘርእ እንዴ ዐለበት እብ ዝያደት 25 ምእታይት እት ዐዳገ እንዴ ወሰክት ክም ትትዛበዩ ምናም ወትሰጅም አክደ።

አሰይድ እዮብ ገብራመስቀል ምን ውዛረት ሐርስ ኤረትርፍ እት ቀደመየ “አዳቃል አሰቶት ማይ ወሂበት ሸፍር እት ሐርስ ሽንገይ” ለትብል ወረቀት፡ ሐረስቶት ግሪህ ሽንገይ ማይ ወሸፍር ጠቢዐት እብ ከአፎ እት ምድር ቀሪሞም እንዴ ትነፈዐው እተይ ክም ወቅሎ እብ አምሳል ለትአበርሀ ወረቀት ዐለት።


ምን ገጽ ምሴ አወላይት ምዕል ወዕላ ንቃሽ ወውራቅ ብሐሰ እት አትሓያስ ዘርእ ዕፋን ወሽንገይ አተላላ። “ወጠንያይ ንዛም ዘርእ እት ኤረትርፍ” ለትብል እብ አሰይድ ሰዲድ ኩረዲን ምን ውዛረት ሐርስ ለትቀደመት ወረቀት ሆይ፡ እት ኤረትርፍ ለልትዘረእ ሽንገይ ልግበእ ወዕፋን ዘርኦ እብ ከአፎ ክም ልትጸብጥ ወለሀላ ተሐድያት እት ረኪብ ዘርእ ወጂብ ለወደሐት ዐለት።

ሐቆሁመ ዶክተር ዘወዳ ቢሸው ምን ኢካርዳ (እድንያይ መርከዝ ብሐሰ ሐርስ እት ምድር ጀሐር) ለቀደመየ “ሄራር አሰክ ዘርእ ወጂብ” ለትብል ዲብ ገብእ፡ ዘርእ ወጂብ ምን ናይ አሰል ወአግርሀ ለትረክብ እቡ አብሳር ለትአደርሰ ዐለት።

ደርቡ ለትቀደመት ወረቀት ሆይ፡ እብ ዶክተር ሮበርት ጃንሲ ምን ‘Self Help Africa – Uganda’ እት ትገብእ፡ “ጠወርት ለትመሳካ ዘርእ ሕሩይ” ለትብል ዐለት። እትላ ወረቀት ዘርእ ሕሩይ ምን ቅሩብ ወረይም እንዴ አምጸኦ፡ እብ ዋጅብ እት ንትነፈዕ እቡ ወአብሳር ሐዲስ እት ነአሰብቅ፡ ድወልነ ምን እተይ ሽንገይ ወዕፋን እንዴ አጽገብኩ እት ተሰዲር ለንትዕዴ እቡ አግቡይ ርቤሕ ለትአፍሀም ዐለት።

ዲብ ገጽ 12 ልተላሌ...





ዱር አቅኪም ምግብ...

** ደንደን ክብ ውኅድ ወአዋኔድ ክት ሰከሮም ሸገገ **



ሰባ ሙርሐለት ለሸምለ ዱር ጅግረ ዐጅላት አቅሊም ምግብ ለሐልፊት ሰንበት ዐባይ እት ሻሬዕ አፍቦበት ድዋራት ከረሰት ማርያም አንበተ።

እተ ምዕል ለሀ ዐባይ ወምንተሐት 23 ሰነት ለዓማርያም መትጃግረት እት 120 ኪሎምትር ትጃገረው። እትሰ ንቅጠት ወወቅት ለልክሰበ ክልኤ ሸላተ ምግብ ለዐለዩ ዲበ ጅግረ፡ እተ ቀዳሚት ናትናኤል ዮናስ፡ ተሰፎም ዐ-ቅባማርያም ወመዋእል ግርማይ እት ልትወውቶ፡ ለካልኣይት ሸላተ ህይ፡ ሚልክያሰ ማእከሌ፡ አሌክሳንደር ኢሳቅ ወናትናኤል ሚክኤል ተወውተው ዲበ።

እት አክር ህይ፡ ምን ፈሪቅ ጽንዓት መትባድራይ ኢሳያሰ ውሂቤ እብ ሸፋገት ምን መጅሙዐት ለዐባይ እንዴ መልሽ - እብ 3ሳዐት 12ደቂቀት ወ54 ካልኢት አወላይ ፈግረ። ሚርን ተሾሚ፡ አሌክሳንደር ኢሳቅ፡ ተሰፎም ዐ-ቅባማርያም ምን ፈሪቅ ተሰፋ፡ ኤሽን የማይ ምን ኤራቴል፡ ሄብሮን ብርሃኔ -ሰምበል፡ ናትናኤል ዮናስ -ግብለት፡ ሳይምን ምኪኤል -ኤራቴል፡ መዋእል ግርማይ ወጸውሎስ ገብራሚካኤል -ምን ፈሪቅ ደንደን ህይ፡ አሰክ ዓሰራይ ተርቲብ ደርብ ሕድ አተው።

እብ ንቀዋ ክእሉል ህይ፡ ኢሳያሰ እብ 11 ንቅጠት፡ አሌክሳንደር እብ 10 ንቅጠት፡ ሚርን እብ 9 ንቅጠት፡ እብ ወቅት ህይ፡ ኢሳያሰ እብ 3 ሳዐት 11 ደቂቀት ወ44 ካልኢት እት መሬሕ፡ ሚርን ወአሌክሳንደር እብ 13 ካልኢት እንዴ ደንገረው ምን እተ ማሌ ለገብአት ካልኣይት መርሐለት ተወደው።

እብ ፈሪቅ ህይ ደንደን እብ 9ሳዐት 39ደቂቀት ወ15 ካልኢት እግለ እብ ወቅት አክል-ሕድ ለህለው ፍረቅ ኤራቴል ወሰምበል እንዴ በድረ ሰልፍላ ፍረቅ እብሁዝ ህለ።

እብ ጀሀት አዋልድ ህይ፡ 77.7 ኪሎምትር ገልብበ እት ህለዩ፡ ብርክቲ ፍሰሃይ ምን ጋላንፍሐ፡ አድያም ዳዊት -ደንደን፡ ፊሸን

ህይሌ -ሰራይር ሳዋ፡ እተ ሰልፋይት ሸላተ ተወውተዩ። አድያም፡ ቅሳነት ወልደሚካኤል ወብርክቲ ህይ እተ ካልኣይት ሸላተ ለትወውተዩ ተን።

ቅሳነት -ምን ፈሪቅ ሰራይር ሳዋ ህይ እብ 2ሳዐት፡ 31ደቂቀት ወ11 ካልኢት አወላይት አቲት። አድያም -ደንደን፡ ብርክቲ -ጋላንፍሐ፡ ዮርዳኖስ ርእሶም፡ ሞናሊዛ አርአያ ወፊሸን -ምን ሰራይር ሳዋ፡ ርዜና ብርሃኔ ወሰ-ዛና ፍሰሃይ -ምን ፈሪቅ ግብለት፡ ክምሰልሁ መዋንተ የማይ ወሚዛን ሀብቲሰላሴ አሰክ ዓሰር ተርቲብ ጸብጠዩ።

እብሊ አድያም እብ 14 ንቅጠት፡ ቅሳነት እብ 13 ንቅጠት፡ ብርክቲ እብ 12 ንቅጠት መርሐ እት ህለዩ፡ እብ ወቅት ክእሉልመ እብ ሐቲ ወሰለስ ካልኢት ፈርግ ሕድ እንዴ አጅገረዩ ካልኣይት መርሐለት አተዩ።

ምን ዲብ 81.4 ኪሎምትር ለትጃገረው ነኣይሽ (ጃንዩር) ውላድ ህይ፡ እብ ብሕቶቲ



ለትጃገረ ሚርን ክብሮም ቲ እብ 2ሳዐት 22ደቂቀት ወ52 ካልኢት ለበድረ። ፋንኤል ዮናስ ምን አሰመረ፡ ዳንኤል ርእሶም ምን ግብለት፡ ሴም እዮብ ምን አሰበቲ፡ ኤሽን ርቤል ምን ግብለት፡ ተክሉ ርእሶም -ሰምበል፡ ጠዓሚ ንጉሴ -መደበር፡ ያፌት ሰለሙን እብ ብሕቶት፡ ሰናይ ሕሩይ ሰምበል፡ ናትናኤል አማኑኤል - ግብለት ህይ አሰክ 10ይ እንዴ አተው ናይ መርሐለት ዐውቲ ጃቀፈው።

እተ ናይ ማሌ ካልኣይት መርሐለት ምን ውላድ፡ እት ከዋ አሰመረ -ዴለበርዕድ-አሰመረ 140 ኪሎምትር ገልበበው። እት

ሰረጅቃ ዲበ ዐለት ሸላተ ህይ አማን ዐይኖም፡ ዳንኤል ይሕደጎ ወናትናኤል ተክሉሀይማኖት ተወውተው ዲበ።

እት ደቀምሐሬ ደምቤዛን ለዐለት እግል አወላይ ሌጠ ንቅጠት ለትመኔሕ ሸላተ ዳዊት ተክሰቲ ተወውተ። እት ዐድተከሌዛን እተ ገብአት ካልኣይት ሸላተ ህይ፡ አሌክሳንደር ኢሳቅ፡ ዳዊት ተክሰቲ ወኤሸን ምሕረትአብ ተወውተው።

ሰባ መትባድረት - ያፌት ሙሉጌቲ፡ አክሊሉ አረፋይኔ፡ ሚርን ተሾሚ፡ ተሰፎም ዐ-ቅባማርያም፡ መዋእል ግርማይ፡ ዐውት አማን ወወውት ክብሮም እብ ደቂቀት ወ12 ካልኢት እግለ ካልኣይት መጅሙዐት እንዴ መርሐው አተው።

እትሊ ጅግረ እብ ንቀዋ ሰጋይድ አክሊሉ ገብራሂውት እብ 14 ንቅጠት እት መሬሕ፡ ናሆም መንገሻ እብ 10 ንቅጠት፡ ኑርአሕመድ ዐብደልወሃብ እብ ሰስ ንቅጠት ደርቡ ተሉ።

እት ናይ ፍሉንዮት ንቀዋ ሚርን እብ17፡ ተሰፎም እብ16፡ አሌክሳንደር እብ13 ንቅጠት ደርብ ሕድ ህለው። እብ ወቅት ሚርን እብ 7ሳዐት 9ደቂቀት ወ18 ካልኢት ዋሌ እት ህለ፡ ተሰፎም ወአክሊሉ አረፋይኔ ደርብ-ሕድ እብ4 ወእብ6 ካልኢት ተለው። እብ ፈሪቅ ህይ ደንደን እብ 21ሳዐት፡ 29ደቂቀት ወ49 ካልኢት፡ እግለ እብ 2ደቂቀት ወ 26ካልኢት ግራሁ ለህለው ፍረቅ ኤራቴል ወአሰበቲ ባድሮም ህለ።

እት 84 ኪሎምትር ለትጃገረዩ

አዋልድ፡ እብ ንቀዋ ክእሉል አድያም እብ 22ንቅጠት መርሐን እት ህለ፡ ቅሳነት ወብርክቲ እብ 21 ንቅጠት ደርብ ህለዩ። እብ ወቅት ህይ፡ ዮርዳኖስ ርእሶም እብ 5ሳዐት 15ደቂቀት ወ59 ካልኢት ትመሬሕ ህለ፡ አድያም እብ3 ካልኢት፡ ቅሳነት ህይ እብ5 ካልኢት እተ ደርብ ህለዩ።

ፈሪቅ ደንደን ህይ፡ እብ 15ሳዐት 48ደቂቀት 52ካልኢት ዋልያህን እት ህለዩ፡ ደርብን ግብለት እብ 4 ካልኢት፡ ሰራይር ሳዋ እብ1 ደቂቀት ወ22 ካልኢት ተልሃዩ። እሊ ጅግረ ሳልሳይት መርሐለትመ እግል ተህሌ እሉ ቲ።

ጅግራታት ባድሜንቶን ተ'መ



ለጅግረ ለሐልፊት ከሚሰ እንዴ አንበተ፡ አርበዕ ምዕል ደርብ ሕድ ገብእ አሰመኔ። እምበል እሊመ፡ እሊ እብ ውላድ ወአዋልድ ለገብእ ጅግረ፡ ምን ኩሉ ዓማር ለትፋገረው ብዝሓም ምን አቃሊም፡ አቅሊም ሳዋ ወውዛረት ድፈዕ ሻረከው ዲበ።

እብሊ ህይ እት ናይ አፍራድ ጅግረ ምንተሐት 19 ሰነት አዋልድ፡ ደሊና ሴቪል ምን አቅሊም ምግብ ተወውተት። ሆላእና ዳዊት -ምግብ፡ ሪም ረድኢ ወኤልዳና ተሰፋ-አለም -ዐንሰቤ ሄርሚላ አብረሃም ምን ቅብለት በሐር ቀየሕ ህይ አሰክ ሓምሳይ አተዩ።

እት ነፍሱ ለዕምር እብ ጽምድ እተ ገብአ ጅግረ፡ ናይ ምግብ መተልህዮት ሆላእና ወደሊና ዝያደት ትሰመዩ። ናይ ዐንሰበ ሪም ወኤልዳና፡ ክምሰልሁም ምን ጋሽበርክ ሳብረን አሕመድ ወኤልሳ ምን ፈሪቅ ስቴላ ካልኣይት ወሳልሳይት አተዩ።

እት ነፍሱ ለዓማር ምን ውላድ፡ ናይ አቅሊም ምግብ አቤል ኪሮስ ተወውተ። ሴም ማሪቆስ -ምግብ፡ ሴም ሳሙኤል -ዐንሰቤ፡ አምና ዐብደላ -ቅብለት በሐር ቀየሕ፡ ብርሃኔ ኣሮን -ዐንሰበ ህይ ደርቡ ለአተው ቶም። አቤል ወሴም ምን አቅሊም ምግብ ህይ ተወውተው ዲበ።

እት አምር 19 ሰነት አዋልድ ህይ፡ ቅሳነት ህይሌ ምን ጋሽበርክ እት ትትወውት፡ ደርብ ዳናይት ቢንያም ግብለት በሐር ቀየሕ፡ መክሰብ ተክሉማርያም ውዛረት ድፈዕ፡ ናርዶስ ኣሮን -ግብለት፡ ሊድዮ ከሕሳይ -ምን አቅሊም ሳዋ ትረተበዩ። ምን ውላድ ህይ አቤል ኪሮስ ምን ውዛረት ድፈዕ፡ ለይኩን ሙሉጌታ -ውዛረት ድፈዕ፡ ሄርሞን ሚክኤል ወናትናኤል ርዘኔ -ምግብ፡ መድሃኔ ተሰፋይ -ሳዋ አሰክ ሓምሳይ ለትረተበው ዐለው።

እት ዕምር ምንተሐት 19 ሰነት አቅሊም ምግብ ሻምፕዮን እት ገብእ፡ እት ምልዐል 19 ሰነት ህይ ደንደን ናይ ውዛረት ድፈዕ ካስ ዐቢ ነሰኦ። ናይ ካሳት፡ መዳልያት ወሰላዲ ጆዋእዝ ህይ እግለ ዕውታም መተልህዮት ተህዩበ።

ፍገሪት ኪጋት አርብ ጸትክ ሳምን

- ክሪስታል ፓላስ ወፋልሃም = 0-0
- ሉተን ታውን ወዎልሸሰ = 1-1
- ማን-ሲቲ እግል ና.ግሃም = 2-0
- ኤሸርተን እግል ብ/ፎርድ = 3-1
- ማንዩናይ.እግል በርንላይ = 1-0
- አርሰናል ወቶተንሃም = 2-2
- ብራይተን እግል ቦ.ማውዝ = 3-1
- አሰቶን ቪላ እግል ቼልሲ = 1-0
- ሊቨርፑል እግል ዊስትሃም = 3-1
- ኒውካሰል እግል ቪሬድል = 8-0

ሳ'ሊ.ጋ
ባርሳ 3-2 ሴልታ-ቪጎ
አትሌቲክ 3-1 ር/ማድሪድ
አልሚርያ 2-2 ሻሌንሽያ

ዘርእ ዕፋን ወሽንጊይ.....



ሽንጊይ ወጃብ

ምን ዛምብዩ ለመጽሐፍ ደክተር ፍራንሲስ ሚቲ ህዩ፡ “መራቀብት ዘርእ ወተሕቁቁ” ለትብል፡ ተጃርብ ደውለት ዛምብዩ እት ንዛም ዘርእ ዕፋን ወሽንጊይ ወጃብ ለትአበርህ ዐለት። እለ ወረቀት እብ ሺድዮ ለተለ ሽሬሕ ወዕውታም ሐረሰቶት ሽንጊይ ወዕፋን ዛምብዩ ክም መሰል ለአርኤት ዐለት።

እለ ሙእተመር ሽንጊይ ወዕፋን፡ እት ረአሰ ተጃርብ ኤረትርዮ፡ ምን ብዕድ ድወል ወመዝማዕት ተጃርብ እንዴ ወሰኩ፡ ረሸዶት ሐርሰ ሽንጊይ ወዕፋን ለሀደፋ ሰበት ዐሉ፡ እተ ካልኦይት ምዕል 21 ሰብተምበርመ ንቃሽ ወውራቅ እቱ ለልአተንክብ ስታት አተ።

ሚሰተር ቦስኮ ጅማዬክ ለቀደመዮ፡ “መትዕዳይ ዲብ ብዘሕ ሓላት ጀው ለልክህል ዘርእ ሽንጊይ” ለልብል በሐሰ፡ ተጃርብል እት ሞወር ናይ ምግባይት ሓላት ጀው ወቀላቅሎታት ምድር ኡጋንዶ ልትሐረሰ ለህለ ሽንጊይ ወጃብ ለወዳሕ ዐለ።

“ፈረንጅ ሳቦ ፊሺ እት ሽንጊይ ኤረትርዮ”-Identification of wheat Rust Races in Eritrea ለትብል ወረቀት በሐሰ እብ አሰይድ አሰመላሽ ወልዳይ ምን ወብረት ሐርሰ ትትቀደም ዲብ ህሌት፡ ሕማም ፊሺ ወአሰባቡ ዲብ ሽንጊይ ወለሰብበ ከሳር እተይ ለትወዳሕ ዐለት።

ምን ኩልዮት ሐርሰ ሐመልማሎ

ፕሮፌሰር አዱንዮ ሃይሌ እተ ቀደመዮ “አግቡይ ዳፍዮት ናይለ እብ ብዘሐ ለልትረኤ ባሌዕ ሐሸራት ወሕማማት ዕፋን እት ኤረትርዮ” ለትብል ወረቀት በሐሰ፡ ዲብ ኤረትርዮ ለህለ ባልዲን ዕፋን ወሕማማቱ ወእሉ እግል አሰራቶት እብ ሕኩመት፡ መጅተመዕ ወሐረሰቶት ለልትንሰእ ከጥዋት



ለወደሐት፡ ሐረሰት ምን ከሳር እክል እግል ልንገፎ ምን ባልዲን እግል ሊደወ ለሶም መትደጋግ ለትአደርሰ ዐለት።

እለ ልትሻብህ ወረቀት በሐሰ አሰይድ ፊልምን አፍወርቂ ምን ወብረት ሐርሰ ለቀደመዮ እት ገብእ፡ “አግቡይ ዳፍዮት እብ ብዘሐ ለልትረኤ ባልዲን ወሕማማት ሽንጊይ እት ኤረትርዮ” ለትብል ዐለት። እለ በሐሰ እለ.መ፡ እት እተይ ሽንጊይ

ዐድነ መሐልክ ጋብእ ለህለ ሐሸራት ወሕማማት ለትወዳሕ፡ ወሐረሰቶት እት ጋብሆት እለ መብድዶይ እክል ላቱ ሐሸራት ምን ገብእ ወሕማማት እግል ልትብዕወ ለሶም ኡብሳር ተአፍህም።

እተ ካልእ ምዕል ምን ገጽ አሰቡሕ ለዐለ በራምጅ፡ ምን ሰለሰ አቃሊም ዐድነ በህለት ዐንሰሰ።

ምግብ ወግብለት እት አፍረዮት ዕፋን ወሽንጊይ ፈዳብዮም ወመሰል ሰኔት ላቶም ሰቦ ሐረሰታይ እግሎም ሽዮት ተቅዳር ተሀዩበ። ሐቆሁመ፡ መሻርኩትለ ወዕለ እት መጃሚዕ እንዴ ትካፈለው፡ እተ ትቀደመ ወራቅ ብሐሰ ናቀሸው። ናይ ወቁላም ሰብ መቅደረት ሐርሰ እጅትመዕ ጌማምለ እተ ክልኤ ምዕል ለትቀደመ ወራታት ገብእ።

ተጃርብ ድወል አቶብዮ፡ ኬንዮ፡ ኡጋንዶ፡ ዘምባብዬ፡ ካሚራን፡ ዛምብዩ፡ አየርላንድ ወሀንድ እበ ምን ድወል ለህይ ለመጽሐው ቁድረት ሐርሰ፡ ክምሰልሁመ ወካይል ናይ ሐርሰ ወብሐሰ መአሰሳት ወመዝማዕት እዲ፡ እብ ዓመት ዝያድ 200 ሰብ ምህንት ሐርሰ ሹርካም ዐለው።

ዲብ ዐድነ ኤረትርዮ፡ ቀደም እለ ልትዘረእ ለዐለ እክል ሽንጊይ ምን ገብእ ወዕፋ፡ ምስለ እት ዐድነ ለልትረኤ ለኢንዱስትሪ ገላም ለኢናሰብዮ ዶል በዴ ወዶልመ በቅል ለዐለ ጅንሰ አዝረአት ዐድና ቱ። እትሊ ወክድ ጎነ ሳኪን፡ ምስል ሕዲን ገላም ከህላት ጀሐር ለበ፡ ሸፍር

ጠቢቦት ወሰናዕት ክም ሀብዱ ሰኒ ለበቅል፡ ሕማማት ለኢለአደምዑ፡ እት ለትፈናተ ተዋልል ሓላት ጀው ለበቅል እጅናሰ ዘርእ ሽንጊይ ወዕፋን ወጃብ እት ሐረሰቶት እንዴ ወዘዐኩ ምን ክል ሂክታር ልትረኩብ ለዐለ እተይ ሐድ፡ እብ እተይ ብርኩት በደሎቱ ለትብል ስትራተጅዮት እንዴ ፈግረት፡ ሐረሰቶት እብ ሻፍገት ምን ሐገሌብ እግል ልትባልሐ ወመናበረቶም እንዴ በደለው እት ድዋራቶም ለህለ ሱግ ተረት እግል ተሀሌ እሎም ልትከደም ሀለ።

ለበዘሐው ሐረሰቶት ዐድነ ምን ናይ ለመድ ሐርሰ ቡልሓም ሰበት ኢህለው፡ እተዮም ምን እዴ እት አፍ ለትሰረረተ፡ እግል ዕያሎም ሐል እብ ግዲዱ እንዴ ከፈ፡ እት ሱግ ለልትዘቤ አካል ሽንጊይ ወዕፋን ለልአበቅሎ ወለአወርዶ ኢትን።

ገሌ መዕሎማት እብ ክሰሰ ዕፋን ወሽንጊይ

ዕፋን፡

• እት እዲን 170 ደውለት ዕፋን ለሐርሰ።

• ዕፋን ቀደም 7000 ሰነት እት ሚክሲት ክም እክል ትዘረአ። ቀደም እለ ወክድ እለ ሰዐር ከደን ዐለ።

• ኩለን እለን ድወል ምስል 205 ሚልዮን ሂክታር ለገብእ ምድር እቱ ዕፋን ዘርእ።

• እብ ምግባይ ተቅዶም 5.75 ቶን ዕፋን ምን ሂክታር፡ በህለት 57.5 ኩንታል ምን ሂክታር ለአቱ።

• እት ኩለ እዲን ክል ሰነት 1147.7 ሚልዮን ሚትሪክ ቶን ለገብእ እክል ዕፋን ለአቱ።

• ክሪሰቶፈር ኮሎምቦስ ዕፋን ምን ላቲን አሚሪክ አሰክ አርብ ክም ነሰአዩ ወአትአመረዮ ታሪክ ለሓኪ።

• ምርት ዕፋናይ ፋሪ አሰክ 800 ሐብት እክል በ።

እብ ዕፋን ለእመራት ድወል ዐለም እለን ተልዮተን፡

ሀ/ አሚሪክ 382 ሚልዮን ሚትሪክ ቶን ዲብ ሐል

ለ/ ቻይና 278 ሚልዮን ሚትሪክ ቶን ዲብ ሐል

ሐ/ ብራዚል 116 ሚልዮን ሚትሪክ ቶን ዲብ ሐል

መ/ አርጀንቲና 50 ሚልዮን ሚትሪክ ቶን እት ሐል

ሰ/ ዩክሬን 42 ሚልዮን ሚትሪክ ቶን እት ሐል

ረ/ ህንድ ህዩ 34 ሚልዮን ሚትሪክ ቶን እት ሐል ለአፈርዮ።

ሽንጊይ፡

• ሽንጊይ እት ዐለም ክም አወላይ እክል ብለዕ እዲን እት ገብእ፡ እብ ባኒ፡ ፓሰታ፡ በሰከዊት፡ መዲደት፡ ከክ፡ ሕበዝ-ጥዑም፡ እንገረ ወጨፎት ልትብለዕ።

• ሽንጊይ ቀደም 10,000 ሰነት እት መሓዝ ኤፍራጥስ ምድር ዓራቅ ክም ትዘረኡ ወትአመረ ታሪክ ለአክድ።

• እት እዲን 217 ሚልዮን ሂክታር ለገብእ ምድር ሽንጊይ



አሰይድ ገብሌ አብረሃ



ዶ/ር ጆን ማክርበርት



አሰይድ ገት ገ/አዝጋብሄር

ልትሐረሰ።

• እት እዲን ለፊይሐ መሻሬዕ ለቡ እክል ሽንጊይ ቱ።

• ሽንጊይ ዲብ 120 ምዕል እንዴ በሽለ ልትወቀዕ (ልትከደድ) ከለአቱ።

• እብ እተይ ሽንጊይ ለእመራት ድወል ቻይና፡ እትሓድ አርቤ ህንድ፡ ሩሰዮ፡ አውስትራልያ ወከናዳ ተን።

• ቻይና ህንድ ወሩሰዮ እብ ሽንጊይ ለሰሙያት ድወል እት ገብእ፡ 41 ምእታይት ምን ኩለ ጅምላት እክል ሽንጊይ ናይ ዐለም ለአፈርዮ።

• ፈርዮናት እት ወክድ ሞቶም፡ ምስሎም ሽንጊይ ልትቀበር ዐለ።

• እተይለ እብ ሽንጊይ እመር ድወል እት ክል ሐል ምን እንገራ።

ሀ/ ቻይና 138 ሚልዮን ቶን እት ሰነት

ለ/ ህንድ 103 ሚልዮን ቶን እት ሰነት

ሐ/ ሩሰዮ 92 ሚልዮን ቶን እት ሰነት

መ/ አውስትራልያ 38 ሚልዮን ቶን እት ሰነት

ሰ/ ካናዳ 33 ሚልዮን ቶን እት ሰነት ለአፈርዮ።



ምን ዕውታም ሐረሰቶት እት እተይ ሽንጊይ ወዕፋን